





Ex Bibliotheca
majori Coll. Rom.
Societ. Jesu

14-7-a-5

53 52
d.
30.
22 26

52! 4. 2





ANIMADVERSIONES HISTORICO- CRITICÆ



IN
PHILOSOPHIAM

Naturalem, Trans - Naturalem, &
sanum usum Philosophiæ

Idiomate olim Gallico

A R. P. RENATO RAPINO S. J.

editæ, nunc Latino donatæ,

ET HONORIBUS

*Reverendissimorum, Illustrissimorum, Ad-
modum Reverendorum ac Perillustrium*

DOMINORUM, DOMINORUM

dum

In Antiquissima, ac Celeberrima

UNIVERSITATE VIENNENSI

Promotore

R. P. MICHAELE

BONBARDI è Soc. JESU

AA. LL. & Philosophiæ Doctore, ejusdem-
que Professore Emerito, nec non p. t. Seniore,
ac Consistoriali

*Supremâ AA, LL. & Philosophiæ Laureâ
insignirentur*

NEO-DOCTORIBUS COLLEGIS

dicatæ

Anno à parta salute M. DCC. XVIII. Mense Julio, die

Reverendissimis, Illustrissimis,

Admodum

Reverendis, ac Perillustribus

DOMINIS, DOMINIS

Illustrissimo D. FRANCISCO ADAMO
S. R. I. Comiti à GODER, Sac. Cæs.
Majest. Eleonoræ Imperatricis Viduæ
Ephëbo.

Illustrissimo D. FERDINANDO GUI-
LIELMO CLEMENTI, S. R. I. Co-
miti de KORNFEIL, S. C. M. Amaliæ
Imperatricis Viduæ Ephëbo.


Reverendissimo ac Illustrissimo D. Comiti
NICOLAO JOSEPHO CSAKY de
RERESZTSZEGH, perpetuo terræ
Scepusiensis, Abbati B. M. V. de Scepu-
sio, ex Collegio Pazmaniano.

Illustrissimo D. FRANCISCO RAY-
MUNDO MARCH., & S. R. I. Comiti
de MONTECUCCOLI, Austriaco
Viennensi.

Admodum Reverendo ac Perillustri D.
ANTONIO JOSEPHO de HACK,
Ungariæ Equiti ac Provinciali, nec non
Exemptæ ac liberæ Albæ-Regalensis Præ-
posituræ Canonico, Austriaco Viennensi.

Illu-

Reverendissimi, Illustrissimi, ad
modum Reverendi, ac Perillustres
DOMINI, DOMINI
NEO-DOCTORES



ITerum Munus à nobis, quo & honorem illustrare vestrum, & diem hunc jucundissimum, & vobis verè proprium ornare contendimus. Exiguum quidem ac pene vile, si molem, si pretium spectetis; sin rem verò ipsam, & operis argumentum, verè maximum. Didicistis hactenus bellè, scitèque Philosophandi rationem, & animos summà rerum altissimarum scientià excoluistis. Felices igitur, si excoluisse non contenti, in succum etiam, atque sanguinem, quod didicistis, convertatis. Nam sicut floribus alii ad odorem & ad spectum utuntur tantum, apes verò etiam ad mellificium: sic sedulae vos mentes debetis in fructum atque usum traducere studia hęc litterarum. Quem in finem offerre Vobis placuit Animadversiones Historico-Criticas in omnem Philosophiam, cujus partem decurso jamjam anno videratis, Patris Rapini, viri neque silendi sanè. neque memorandi sine cura; qui acri, sanò-

sanctoque in omnia iudicio, & de omni elegantiori
litteratura optimè meritis, de quo jure optimo re-
petere id posses:

Ἡ σὲ γὰρ μᾶς ἐδίδαξε Δίος παῖς, ἢ σὲ γ' Ἀπολλών.

Vel Te Musa, Jovis proles, docuit, vel
Apollo.

Adeo eleganter ille, eruditèque de omni Philoso-
phia, Rationali & Morali; Naturali, & Trans-
Naturali; de Veterum juxta ac nostrorum tempo-
rum Philosophorum placitis disputavit. Tum eo
maximè ingentem sibi famam, celebritatèque con-
fecit, quod non solide minùs, atque sapienter di-
sceperit, qui Philosophia ad tutandam, defen-
dendam, propagandamque Religionem nostram sit
utendum. Quo ecquid opportunius, et quid ad hanc
Vestram hujus loci, ac diei celebritatem adferri
poterit accommodatius? non video. Benignè igitur
admittite hoc, quidquid est nostrum, quo læti ipsi, ju-
cundique ornamento huic Vestro adplaudimus, at-
que plenis buccis vetus illud, feliciter! feliciter! con-
clamamus: hoc unicè optantes, ut eam ipsam Philo-
sophiam, quam hactenus prout hausistis animis, quæ
in hoc, quo super cæterum Philosophorum vulgus
eminetis, Dignitatis fastigium vos non tam promo-
vit, quàm exulit, Vestris exemplis, Vestroq; usu
commendetis; ut mundus intelligat tandem, adeo
eam non esse inanem, atque exsuccam, ut etiam sit
utilissima.

Honoris Vestri, ac Dignitatis

Studiofissimè

Philosophi Condiscipuli.



ANIMADVERSIONES

IN

PHYSICAM.

CAPUT I.

Physica maximè omnium ignoratur.



Atis assequor, quæ Logicæ, Ethicæque principia stabiliri ab homine queant; cum tam mores, quam ratiocinatio, quæ formandis memoratæ scientiæ inserviunt, humana sint opera: quæ autem Physicæ quæque axiomata, certasque notiones determinare is ausit, ut quæ naturam, DEI solius molitionem spectat, percipere nequam valeo. Equidem investigabiles esse oportet conditoris vias, quando nobis frequenter lux deficit, quæ rerum conditarum fines, consiliæque scrutemur. An fors nostrum aliquis sententiam rogatus est, cum DEUS in ære terræ fundamenta jecit, quibus moles universa incumberet? (a). An unus aliquis è Philosophis tam perspicacis erat aciei, ut æternæ, cunctæque præcedentis sapientiæ abyssum subiens, quousque arcana ejusdem cogitatio pertin-

A

geret,

(a) Ubi eras, quando ponebam fundamenta terræ? indica mihi, si habes intelligentiam. *Job. c. 38.* Nunquid tu primus homo, & ante colles formatus? *Job. c. 15.*

geret, exploratum haberet? (a). Mundum divus Augustinus grande quoddam spectaculum dixit, in quo summi artificis industria undique reluceret (b): sed veriùs ænigma appellâset, quod Philosophi omnes irritò semper conatu explicare studuerint. Ut enim ingenia non defuerint sagacia, quæ causas rimando ad quosdam naturæ effectus penetrarent; nemo tamen ullus satis acutus hætenus fuit, qui Numinis consilia, & arcanas ejus potentiæ machinationes perviderit, ut inde principia tanti operis definiret (c). Et verò si leviora quæque sensibus obvia, quibus vestigandis ætatem conterimus, vix, aut ne vix quidem cognitione complectimur; si plantæ quantumvis vilissimæ virtutibus polleant, quas neutiquam perspicimus: adeonè dementes erimus, ut vim grandis hujus machinæ cognoscere, ac ad radicem usque prodigiorum, quæ vehementer stupemus, subire confidamus? Ne se quis palpet: Naturæ sua sunt mysteria; ad terminos sibi statutos secretis insistit viis (d). Dum his scrutandis intellectus intendit, aded certi nihil assequitur, ut retundendo mortalium fastui haud aliud videatur opportunius, atque Physicæ studium. Scientia nimirum abstrusa est, atque profunda; vix de aliquo convenit inter ejusdem cultores, & qui omnium optimè videbantur locuti, nihil adhuc rationi satis congruum deprompserunt. Itaque mentem in novis cudendis systematibus non lassemus. Cum tot tantæque ingenia præcesserint, si quid melius erui potuiss-

(a) Sapientiam DEI præcedentem omnia quis investigavit? *Ecclesi. c. 1.* (b) *Confess. l. 10. c. 6.* (c) Nunquid nosti semitas nubium? *Job. c. 37.* Nunquid nosti ordinem cœli? nunquid ingressus es profunda maris? thesauros nivis & grandinis aspexisti? per quam viam spargitur lux? Quis dedit imbri cursum & viam tonantis tonitruum? *cap. 38.* (d) Naturæ arcana non promissionè nec omnibus patent: in interiore sacrario clausa sunt; ex quibus aliud hæc ætas, aliud, quæ post nos subit, aspiciet. *Sen. quest. nat. lib. 7.*

potuisset, ac hæcenus scire licuerit, utique detexissent. Postquam summo in id studio frustra incubuere, prudentia dictabit cogitationes haud ultra deligere; sed abyssum duntaxat divinæ scientiæ cum humili propriæ cæcitatis fassione identidem admirari (a). Haud est abs re, quod nihil hominis animum tantopere afficiat, quàm naturæ effectuumque naturalium speculatio (b). *Felix qui potuit rerum cognoscere causas* (c): verum naturæ non nisi corticem intuemur, & omnis cognitio, quam plurium annorum curriculò comparamus, superficietenus hæret, permittente sic DEO, ut inclinationem animi, ceu tortorem secuti exerraremus in cogitationibus, itaque supercilium poneremus. Cum enim desiderio agimur cuncta noscendi, eo denique recidimus, ut cuncta, quin & nos ipsos ignoremus.

CAPUT II.

In Physica vix quidquam certi fas est statuere.

AT quantum hæc scientia sive propter obscuritatem, sive propter incertitudinem rerum, de quibus pertractat, vanitatis habet; tantundem futilis redditur ob sententiarum diversitatem, in quas summi alioquin viri, qui eidem ani-

A 2

mum

(a) Peccari ab Aristotele, & ab aliis, cum in natura scrutantur, quæ occultaverit ipsa natura, hoc est, divina voluntas, quæ est ipsa natura, ut inquit Augustinus. *Possevin. Bibliothec. lib. 13. c. 20.* (b) Est animatum, ingeniorumque naturale quoddam quasi pabulum consideratio naturæ. *Cic. lib. 4. quæst. Acad.* (c) *Virgil. in Georg.*

num addixere, secedunt (a). Etenim antiquior Philosophia vix ullum stabilire potuit axioma, quod tutò reciperes. Thales aquam rerum statuebat principium; Heraclitus ignem; Anaximenes aërem; Pythagoras numeros (b); Democritus atomos; Musæus unitatem; Parmenides infinitum: ut in tanta naturalium causarum varietate, tot inter opiniones è diametro oppositas, de cunctis meritò ambigas. Protagoras credidit, quod verum videretur, id re ipsa verum esse (c). Aristippus nihil censebat esse iudicii, nisi cui interior spiritus motio suffragaretur (d). Chrysippus sensus perpetuò fallaces criminatus est: Lucretius fidos semper duces esse contendit. Picus Mirandulanus in suo doctrinæ Paganorum examine; Ludovicus Vives in libro de artium corruptela; Possevinus lib. 3. Bibliothecæ multis incertitudinem humani iudicii exaggravant. Et verò nihil adeò firmum, quod in controversiam revocari nequeat (e). Ut enim de rebus omnibus minimè sit dubitandum: attamen nimis facilem esse haud decet ad habendam iis Philosophis fidem, qui nova indies Physicæ principia nobis obtrudunt. Expendenda sunt, antequam probentur: veritas ab illo, quod veri duntaxat speciem huiusmodi in positionibus præferat, cautè secernenda, quin conjecturis quibusvis mox occupemur. Nulli suffragium detur systemati, nisi eo pacto, quo suas

Pto-

(a) In tanta obscuritate naturæ, dissensionibus tantis summorum virorum, qui de rebus contrariis tantopere discrepant, assentior ei sententiæ nihil percipi posse *Cic. quæst. Acad. lib. 4.* (b) Pythagoræ ex numeris proficisci volunt omnia *ibidem.* (c) Aliud iudicium Protagoræ, qui putet id verum esse, quod cuique verum videretur. *ibidem.* (d) Præter permotiones intimas Aristippus nihil putat esse iudicii. *ibidem.* (e) Singula improvidam mortalitatem involvunt, ut inter ista certum sit, nihil esse certi, nec miserius quidquam homine, nec superbius. *Plin. lib. 2. c. 7.*

Ptolemæus hypotheses promptis (a) : nimirum ut opinionis tantum titulo gaudeat, non item articuli, dum rationes, quibus innitur, constabiliantur. Et sanè ridiculum est, illa in materia modeste non loqui, cujus vix aliquid scias. Ipse Lucretius, quantumvis in censendis naturæ effectibus aliquin præsumptuosus, disertè fatetur, se principia ignorare (b). Hoc ergo universim obtineat, primos Physicæ studiosos suis in principiis conjecturas tantum suggestisse, quod natura propius vix pateat alicui. Etenim licet ex aspectabilibus effectibus ad invisibilem quoque virtutem rectè arguatur; nemini tamen oculus aded fuit perspicax; ut ad radicem inspiceret, consiliorumque omnium fontem pervideret (c). Quare principia à Physicis suggesta non ut leges ab ipsis præscriptas, sed tanquam expositionem, super naturæ effectibus, promi possibilem, respiciamus. Et numeros Pythagoræ; & atomos Democriti; & plenum vacuumque Leucippi; & ideas Platonis; & materiam, formamque Aristotelis; & vortices, particulâsque Cartesii, quæ sapientes hî viri pro principiis posuere, conjecturas exanimi porro subjectas, non regulas, quibus insistendum sit; arbitremur. Aures illis accommodemus lubentiùs; qui universim rationes reddunt firmiores; quoniam facundiâ pollent, qua ideas animo conceptas uberiùs edisserant. Sed nec affingendo ipsis, quasi scire se dixissent, quæ opinabantur; aut pro veritate venditassent, quod veri duntaxat speciem præferat, stultos habeamus. Præcautio hæc aded necessaria, ut satis animo figi nequeat ad iter carpendum per semitas tam implexas, ac Philosophia naturalis designet. Uti enim norma erronea structuram ædificii

A 3

(a) Ptolemæus noluit suis hypothesebus fidem adhiberi *Possess. Bib. lib. 13 c. 7.* (b) Nam quamvis rerum ignorem primordia quæ sint. *Lucret. Lib. 2.* (c) Quis hominum potest scire consilium DEI, cogitare quid velit? *Sap. c. 9.*

ficii detorquet; ita fallibile principium totam Physicæ molitionem infirmam reddit, ac labilem.



CAPUT III.

*Primus erat Aristoteles, qui aliquod
Physicæ Lumen affudit.*

Quid igitur sentiendum rebus addeò incertis? quis Dux viæ tot sentibus implicitæ optabitur? Plutarchus secundo opusculorum suorum volumine varias veterum Philosophorum de Physica opiniones numero satis magno recenset; quod ipsum Cicero in Academicis fecerat (a). Utérque demum Aristoteli patrocinator; Aristotelem ut cuncta expenderunt, ambo reliquis anteponunt. Eodem in consilio sequacem nacti sunt Galienum; quin omnes, quos solidior subinde cogitatio occupavit. En vel ex hoc grandia pro Aristotele suffragia! quid enim Philosopho accidere poterat gloriosius? quid optabilius, quàm calculum referre à tantis viris, quorum singulos & ingenii severitas & sententiæ æquitas plurimum comendavit? Hæc de Aristotele opinio suas in partes inflexit, quot quot exactis temporibus aciem viri, profundasque meditationes explorare conati sunt. Divus Hieronymus ingenium hujus Philosophi inter naturæ prodigia commemorat, ut qui cognoverit, quod cognoscere homines possent (b). Medina magni nominis Theologus natione Hispanus humanum intellectum in naturæ vestigatione eò nunquam perventurum contendit, quò Aristoteles pertigit; nisi bonum aut malum genium sibi

(a) Nostræ Physicæ tu nōsti, quæ continentur ex effectione & ex materia ea, quam fingit, & format affectio. Cic. lib. 2. quæst. Acad. (b) Hier. in Epist.

sibi peculiariter assistentem habuerit (a). Et verò præterquam quod is sive probandi, sive improbandi gratiâ universa perstringat, quæ in Physicis ante se dicta essent; nihil quòque posterius hac in disciplina, quod rationem, eruditionemq; saperet, promi audivimus, quod non ipse antea excussisset; cujus principia non innuisset. Ut autem in fonte à paucis legitur; lectus etiam à nonnullis minùs percipitur, frequenter reperies, qui rejiciant, quæ ille amplectitur, aut contra, quæ ille rejicit, amplectantur. Hinc ejus affectu in tam diversa abeunt, utque suas hypotheses stabiliant, Aristotelem nequicquam renitentem, eò demum inflectunt, quò ipsi secesserint. Nec mirum, si postmodum exerrare contingat, quando Dux ipse in avia declinavit.

~~~~~

## CAPUT IV.

### *De Methodo & principiis Aristotelis.*

**S**ed ne ad tanti fulgorem nominis, quo Stagyrita noster inclaruit, continuò perstringamur. Neque exactorum voces sæculorum; neque sapientum in ejus sententiam concedentium suffragia nobis aures obtundant. Aristotelem ex ipso Aristotele existimemus: inspiciamus methodum, qua naturalem coluit disciplinam, illum nempe scopulum, ad quem ferè reliqui sunt allisi; utque sententiam feramus æquiozem, præjudiciis procul amandatis, doctrinam ad ipsa principia metiamur. Nam ut ingenio pollebat minimè vulgari, ita semitas ingressus est singulares. Orditur tanquam historicus & Prædecessorum placita per ordinem recitat, Scilicet ad imbuendum magis animum, tum ne quid

A 4


edi-

(a) Medina in de Thom. lib. 2. quæst. 109. art. 1.

ediceret, cujus intimam non exhaustisset notitiam, scire intererat, quid alii censuissent; contraque ac Plato, qui cunctos nosse voluit sapientes, atque in eum finem Ægyptum, Persiam, Italiâmq; lustravit, eorundem auditiones ipse obiturus; Aristoteles suo clausus musæo singulorum scripta, lucubrationesque excussit, ut ita opiniones suas firmaret solidius, dum omnibus expensis argumenta diluisset contraria, & quæ sibi faverent, solerter collegisset. Ecce præcipuam Aristotelis methodum! nihil asserit, de quo post accuratam sententiarum ab antiquioribus statutarum cognitionem obfirmatus non fuerit. In libris Physicorum Epitomen texuit placitorum Pythagoræ, Ocelli, Timæi, Leucippi, Parmenidis, Hippocratis, Melissi, Democriti, aliorumque prædecessorum, ut haud abs ratione diceret, quod non tam proprias stabilire conatus sit opiniones, quàm alienas refellere. Hoc sanè Josephi Scaligeri iudicium erat, qui ejusdem lucubrationes diligenter pervolvit. Potior Philosophorum pars pro lubitu sensit, solus Aristoteles argumentum profundius investigans, quid quid suis positionibus adversaretur, subruit, nec aded in partem ullam deflexit, quin è medio, quod offendiculo esse poterat, omnino sustulisset. Hæc singularis erat viri prudentia; hæc methodus, cujus ope postmodum principia constituit. Ut enim Parmenidis, ac Melissi de principio immobili, atque infinito sententias confutavit; ut absurdas consecutiones ob oculos posuit, quæ ex Democriti, Empedoclis, Anaxagoræ, aliorumque systematis eruerentur, suam denique de tribus principiis, materia nimirum, forma, & privatione promisit hypothesim, ceu convenientissimam, qua mutationum phænomena declararentur, utpote in quibus continuò se prodit & pars recipiens, & pars recepta sive subiectum commune tam formæ deperditæ,



ditæ, quàm acquilitæ : quòd quidem aded veritati congruit, ut rerum productiones aliter intelligi nequeant. Plato, qui eadem cum Aristotele principia adstruxerat, materiam videlicet ac formam, inter materiam & privationem nequaquam distinxit. Aristoteles eam distinctionem primus inexit. De hac tanquam insigniori suo opere pluries gloriatur (a). Hinc non veretur edicere (b). Errores veterum maximam partem ex eo dimanasse, quòd distinctionem materiæ, ac privationis ideam minimè procurassent. Porro quod formam appellat aliud haud est, quàm radix proprietatum, accidentium, & operationum sensibilibus cujusque compositi, quæ res universas constituat, & ad certam entium speciem determinet. Hic igitur principiorum ternarius velut aptissima ad formandam omnis mutationis ideam, & ad cognitionem naturæ facillima hypothesis, merito reliquis Philosophorum principiis antefertur. In hoc totius Physicæ generalis cardinem Aristoteles fixit.



## CAPUT V.

### *Physicæ Aristotelicæ secundum librorum partitionem Epitome.*

**L**ibrò primò Acroamaticorum methodum suo in opere susceptam exponit; utque naturæ cognitio tenebris obtegatur, à notionibus aliquin perspicuis, & evidentibus, veluti per totidem gradus ad vestigandas res magis sepositas, minùsque cognitæ animum evehit; tum ex principiis generalibus singulares elicit consecutiones; ut adeo

A 5

cun-

(a) *Ex Carp. Prof. in Alcinæum.* (b) *In ultimæ lib. primæ Physicorum capis.*

cuncta pateſcant, & ſenſibilia fiant, dum hypotheſibus ſuis, & propriis integumentis conveſtiuntur. Poſtquam hanc methodum conſtituit, reliquum libri in conſutandis aliorum Philoſophorum placitis abſolvit, ut ita ſuam denique confirmet ſententiam. Librò ſecundò, quid natura ſit? quæ hujus vocis poteſtas, veraque notio? diligenter expendit: tum hoc ipſo in opere, & ſequentibus quatuor, motuum localium cauſas, tanquam corporis naturalis attributa inquiri. Libro ſexto quantitatem admodum accuratè pertractat. Septimò ideam Primi Motoris mentibus ingerit. Octavò de tempore, quod naturalis motuum quorumcùnque meſura eſt, philoſophatur. Librò primò & ſecundò de Cælo aſtra & materiam, unde formata ſunt, deſcribit; qualitates præterea, Motus, ſitum, figuram eorundem, & quid quid demum mundi hujus compagem ſpectat. Librò tertio & quartò de Gravitate ac Levitate corporum cæleſtium diſſerit; uti & de veterum hac ſuper re diverſiſſimis opinionibus; de Elementis, & illorum proprietatibus. Librò primò Meteororum phænomena aërea; ſecundò & tertio terreſtria & aquea, ventos nimirum, tonitrua, fulmina, fulgetra, exhalationes, Parhelia exponit: quartò frigus & calorem, ſiccitatem & humorem, putrefactionem, ſales, diverſas mixtorum proprietates, eorundemque temperiem, ac mixtionem declarat. Libris tribus de Anima ipſius naturam, operationes, ſenſus tum externos, tum internos examinat. In Libris, qui *Parva naturalia* inſcribuntur, ſingillatim docet, quid quid ſenſationes, memoriam, remiſcentiam, ſomnum, vigiliam, ſomnia, ſomniorum præſagia, motus animalium & præcipuè inceſſum, vitæ longitudinem, ac brevitatem, ſenectutem, juvenam, ſamam, morbos & ſanitatem attinet. Hiſtoria animalium princeps eſt, & omnium abſolutiſſimus to-  
tius

tius Aristotelicæ Physicæ tractatus (a) : primis quatuor libris diversas animantium species ; quinis postremis variam istorum generum perstringit. Porro totum opus experimentis innumeris & quæstionibus admodum eruditè locupletavit ; quibus rectè inspectis, illicò prima se offerunt semina plurium assertionum recens inventarum , de quibus hodie Philosophia gloriatur. Prætereo librum de coloribus ; tractatum de Physiognomia ; quæstiones mechanicas ; libros de plantis ; geminos de ortu , & interitu ; alium de mundo, quem Alexandro conscripsit, plurisque, quibus rerum causas , à maximis ad usque minimas digressus, reddere contendit, uti dudum Diogenes Laërtius annotavit ; itaque fateri ultro compellor, Aristotelis Physicam omnium, quæ unquam prodiderint , uberrimam esse, nihilque vastissimo ejus animo excidisse, cujus profunda meditatio res quasvis secundum ingenii amplitudinem est complexa (b)



## CAPUT VI.

*In quibus Aristotelis Physica delinquere videatur.*

**Q**uid in favorem Physicæ Aristotelis dici queat attuli, nunc quid in illa redargui posse videatur, dispiciamus. Octavus Acroamaticorum liber ordinem requirit meliorem ; contextu & consecutionibus constat ferè violentis ; haud aliud captu difficilior, ac materia prima, & formarum ex ipsaeductio : motus localis universim abstractè nimis


(a) Persecutus est Aristoteles animantium omnium ortus, victus, figuras *Cic. lib. 5. de fin.* (b) Naturam à Peripareticis sic investigatam, ut nulla pars Cœlo, terra, marique prætermissa sit. *Ibidem.*

mīs expenditur : quod de motūs æternitate libro octavō probare nititur, ob argumenti circulationem satīs percipi nequit ; totūque is liber Metaphysicam admodū redolet. Temporis , Locique pertractationem purē physicam nemo dixerit ; siquidem etiam spiritibus congruit. Quod de Tempore differit, ab Archyta mutuatus est ; & rursū quid quid de motu agglomerat , ab Ocello ; quid quid de Vacuo statuit, ex Tymæo, si Patritio credimus (a) deprompsit. Quæ primis duobus libris de Cœlo ; in Tractatu de cometis , iride , aliisque Meteorologicis impressionibus persequitur , minū veritati consentiunt, si secundū omnes circumstantias expendantur. Quartum nihilominū librum jure exceperis, quem reliquis exactiū conscripsit ; Locus, quem librō tertio de Cœlo sub lunæ concavo ex Leucippi, & Democriti sententia sphæræ ignis attribuit, nullo solido nititur fundamento, nec Pythagoras ejus opinionis est auctor. Libro secundo Meteororum evincere laborat terraquam non esse habitabilem sub Æquatore, quod manifestē falsū comperimus. Quæ verō de mundi æternitate tradit, ut ut erronea sint, præ cæteris excusationem admittunt. Nimirum conditorem universi non alia sub luce agnovit, atque nos solem intueamur ; qui eodem mox temporis puncto, quo horizontem attingit, lumen diffundit. Quin adversus Arianorum errorem inde magnum est præjudiciū ; quoniam Verbi generationem intelligere non poterant, nisi posterius suo principio poneretur : ut aded Aristotelis exerratio ipsos in viam reducere debuerit, ac prohibere, ne in avia declinarent, si pagani hujus, tametsi in transversum acti, ratiocinationibus aures accommodabant. Patritius Philosophus Venetus in libro Disquisitionum Peripateticarum ; Ramus in Scholis Physic.

Gaf.

(a) *Parte secunda, Disqu. Peripat. lib. 6.*

Gassendus in suis contra Peripateticos animadversionibus magnum sententiarum numerum congerunt, in quibus Aristoteles peccarit, præcipuè quoad ordinem, & constructionem cœlestium corporum; in animalium historia, in hominis anatome; & horum similibus: haud diffiteor, quod præsentis ævi Physica experimentis & plurium instrumentorum, quibus utitur, apparatu ita instructa sit, ut quibusdam in rebus, quæ lapsu temporis magis innotuerunt, Aristotelicam antecellat: insuper, quodd veterum Philosophorum conjecturæ de Cœlis, & Syderibus, quarum Plutarchus tomo secundo meminit, maximam partem erroneæ fuerint deprehensæ post instrumenta ultimis hisce sæculis fabricata, quibus cœlestia observamus. Denique in eam concedo sententiam, Aristotelem minùs demonstrasse in Physica, atque in aliis Philosophiæ partibus, nec methodum in disciplinæ hujus tractatione adedò accuratam; nec arguendi vim adedò firmam existere. Sed vitium istud non tam Authori, quàm operis substrato adscribi debet. Ille enim sibi nunquam non similis ratiocinationes suas, atque observationes eodem semper tenore instruit: & ratio, quantumvis à singularibus ablineat protegendis, fines suos habet, ac limites; ultra quos, si vel modicum excurras, quin longiùs aberres, vix caveris.



## CAPUT VII.

### *De Antiquorum in Physica Placitis judicium.*

**Q**uid de reliquis omnibus sive antiquis, sive recentioribus, qui Physicam coluere, Philosophis sit statuendum, paucis accipe. *Ægyptii*

ptii hac super disciplina nihil elucubrârunt, ejus  
vestigium superesset, præter suas Cœli Astrorûmq̃ue  
observationes: Etenim cœlestia corpora præ cæte-  
ris nationibus pernovêre, quod iis peculiarem im-  
penderint operam animis ad præfagia comparatis,  
Simplicius (a) ait Callisthenem precibus Aristotelis  
sibi sanguine juncti adductum, misisse in Græciam  
observationes, jam bis mille circiter ante Alexan-  
dram annis, à Chaldæis institutas: quas deinde Por-  
phyrius à se visas testatur. (b) Quod Phœnicii &  
Æthiopici de Physica tradidêre, amissum est cum  
Diodori Siculi libris, quorum à quinto usque ad un-  
decimum reliqui desiderantur. Græci demûm, qui  
aliis in disciplinis Magistratum gesserant, néque in  
hac inferiores, & melius & uberiùs scripsêre, quàm  
cæteri (c), ut non immeritò primi naturæ scruta-  
tores censeantur. Equidem Plutarchus in vita Ni-  
tiæ inquit, Anaxagoram, successorésque Joniæ illa  
ætate Philosophos non nisi Physicam professos fuisse.  
Assyrii, si verè loquamur, præter prima Astrono-  
miæ elementa nihil noverunt: nempè observatio-  
nibus minimè accuratis nitebantur; quippe instru-  
menti destituti: nec ad explorandum astrorum  
motum aliam adhibebant mensuram ac clepsydram.  
Inter Græcos Pythagoras & Ocellus, Archytas &  
Tymæus eorundem discipuli, Hippocrates, Leucip-  
pus, & Democritus naturam speculati sunt diligen-  
tius, præque cæteris de illa sapientius pronuntia-  
runt. Democritus videtur unus ex melioribus, qui  
unquam floruerint Physiologis: idcirco multis ab Au-  
lo Gellio elogiis ornatus (d). Empedocles metris illi  
gavit

(a) *Simp. Com. 16. in L. 2. de Caelo. Arist.* (b) *Ex Joseph. Scalig. epist. ad Rhodom.* (c) Amicos in quibus est studium, ad Græciam mitto, ad Græcos ire judeo, ut ea è fontibus potiùs hauriant, quàm rivos confectentur. *Cic. L. 1. Acad.* (d) Nobilissimus Philosophorum Democritus, vir præter alios venerandus, autoritate antiqua præditus. *Aul. Gell. L. 10. c. 12.*

gavit Phylcam, juxta principia Pythagoræ, quem Lucretius, tanquam prodigium fuisset, extollit, ipseque Aristoteles & Diogenes Laërtius commemorant. Plato vix aliquid de hac Philosophiæ parte docuit, quod à Pythagoricis non hausisset (a). Democritus & ante & post Aristotelem sequaces nactus est multos; quin nostrâ ætate potiorum Recentiorum, etiam spectabiliorum catervam suas in partes pertraxit: Scilicet ex atomorum principiis sensibilius, magisque ad captum exponi posse videntur naturæ phænomena, quam ex Aristotelis de materia, forma, & privatione hypothese. Verum doctrina hæc, præterquam, quod fabricam sine Architecto, seu malis artefactum sine artifice molitur, ferè Leucippi dogmatibus insistit, tamque absurdas infert consecutiones, si funditus exploretur, ut ægrè se expediverit, cujus animum semel occupavit. Socrates, cum observasset, hanc Philosophiæ partem à Sophistis, nescio quibus cavillationibus, corruptam esse, Ethicæ se totum addixit. Quare frequenter ex aliorum sensu loquitur, dum apud Platonem de rebus naturalibus differit. Liber Theophrasti de Plantis secundum Julii Scaligeri testimonium, qui in eum commentarios scripsit, lectissimis adnumerari potest operibus, quæ antiquitas evulgavit. Zeno Stoicorum Pater peculiare nihil in Physicis tradidit, nisi quod aliter atque reliqui, cum quibus sentiret, loqui studuerit (b). Duo statuit principia, Deum & materiam. Insuper animam per cuncta diffusam mundo attribuit, quasi grande quoddam animal esset. Lipsius Epitomen ejus Phylicæ non secus, ac doctrinæ moralis contexuit. In Epicuro soliditatem requiras:

exer-

(a) Ex materia in se omnia recipiente mundum factum esse censet Plato. *Cic. L. 4. Acad.* (b) Zeno aliter loquebatur atque omnes, sentiebat idem quàm ceteri. *Cic. L. 4. de fin.* Inter Zenonem & Peripateticos nihil interesse, præter verborum novitatem. *Ibid.*

exerrat ubique (a), ut adeo Tullius arbitretur, quod, cum Democriti vestigiis insisteret, in avia secesserit, quoties diversum ab eo iter instituit. (b). In cum duntaxat finem Physicam docuit, ut animos contra metus, quos religio ingerit obfirmaret (c). Vacuum & atomos pro principis adstruxit (d). Epicuræi mortis indolem minùs noverunt, quod nèque tempus, nèque locum, quorum tractatio Metaphysicam sapit, expendere studuissent. Lucretius tamen Epicurum non modò cunctis præfert Philosophis, sed & inter viros, quos orbis quovis tempore suspexerit, eminere asseruit, uti ex Elogiis innotescit, quæ diversis in locis sui Poëmatis eidem attribuit, maxime sub tertii libri initium, ubi tanquam de Numine loquitur. Amaphamius, de quo Cicero meminit, ab Epicuro non dissentit; quin ejus dogmata ferè recitat. Plutarchus allegat librum de natura rebusque Physicis à Chrysippo concinnatum, quem Phavorinus admodum prædicat. Quod reliquum est Physicarum elucubrationum à Græcis editarum profiat in Laciniis apud Laërtium. Florentiæ quidem opus spondebant authore Rucellajo, quod omnium antiquorum placita hac de scientia complecteretur, & sena super tricena recenseret systemata omnino diversa. Ut autem Italico scribitur idiomate, ac ad duodecimum usque volumen excurrit, ante illius obitum lucem non aspexit; quin imò credibile quod nec deinceps aspiciet, nisi fors seriùs, præcipuè post jacturam, quam litterati in Cardinale Mediceo fecerunt: is enim unus finem tanti operis poterat promovere.

CA-

(a) In Physicis, quibus maxime gloriatur Epicurus, totus alienus est. *Lib. 4. de fin.* (b) Democrito adjecit perpauca mutans, sed ita, ut, quæ corrigere vult, depravare videatur. *Cic. 1. de fin.* (c) Rerum natura cognita superstitione levamur, mortis metu non conturbamur ignorance rerum, ex qua horribiles existunt formidines *Cic. de Epicur. doct. L. 1. de fin.* (d) Epicuro duo esse principia, corpus & inane. *Ser. in Lib. 6. Ensid.*



## CAPUT VIII.

### *Judicium de Romanorum in Physica Placitis.*

**Q**uanquam Romani animum Physicæ parùm ad-  
dixerint; proinde hoc in studio Græcis con-  
cedere debeant: attamen de ista etiam ma-  
teria pulchras apud eosdem legere est lucubratio-  
nès. Nihil si characterem scribendi spectes, politius  
invenieris Lucretii in Epicuri Philosophiam poemate,  
quod Lambinus Virgilii Epicis quoad dictionis pu-  
ritatem antehabere non dubitavit; sed nihil quòque  
moribus damnosius. Cicero, qui Philosophiâ Græ-  
corum ritè erat imbutus, interque Romanos optimè  
argumentum istud pertractavit, ita ambigüe loqui-  
tur, ut sæpè ignores, in quam sententiam propen-  
deat. Si cuncta bene perpendas, patebit, quod nus-  
quam pedem defigat; semper aliò deflectat; id de-  
nique tantummodo elicies, Platonis, Aristotelisque  
placita ipsi præ reliquis arridere. Seneca libro Na-  
turalium quæstionum didacticâ methodo haud vi-  
detur procedere; animadversiones nimium abstra-  
ctas, remotasque facit, cùm planè, ac simpliciter  
dicenda esset sententia; mores instruit, cùm na-  
turæ tantum arcana promere oporteret. Nemo tan-  
tum, tamque eleganter de Physica scripsit, atque Pli-  
nius: sola operis suscepti idea amplissimi erat con-  
siliù, si quod hominis ingenium unquam fatigavit.  
Polyhistorum agit Naturæ; de cunctis ferè phæno-  
menis judicium, & verò sanum depromit; res quàm  
plurimas congerit, alioquin ab omnium memoriâ  
perituras. Verùm si Sumesium suis in animadver-  
sionibus, quas in Plinium scripsit, audiamus, dece-  
ptum frequentius fatebimur ab illis, à quibus com-  
plura historiæ monumenta accepit; devium quò-  
que

que non rarò proprio ex errore, dum ampliores sectatur ambages : nimis credulum aliorum dictis ; nimis præcipitem in suis proferendis ; magisque sæpè numero de dictionis ornatu , quàm de rerum substantia sollicitum , ut aded etiam de veris , magnò à se studiò comprobatis , dubium lectori ingerrat : dum necessitate constrictus aliorum testimoniis fide bonâ adhæsit. Nactus est nihilominus posterioribus hiscè sæculis , qui ejus patrocinium susciperent , & plurima alioquin controversa , denique post accuratum examen, ceu veritati consentanea tuerentur. Sed arbitror nobis hac in causa Summæ authoritatem, quàm reliquorum potiorē esse debere, ut qui in Plinium & uberius & sapientius omnibus prædecessoribus commentatus est. Absque hoc ægrè aliquis negaverit, opus Plinii vastius esse, quàm ut ultimam eidem manum admoveere potuerit. Ast quidquid de hoc sit , certum videtur lucubrationem illam ex præstantissimis totius antiquitatis unam esse. Plutarchus quoque , Dioscorides, Ælianus & Solinus libris , suo cujúsque ex genio conscriptis, Physicam admodum locupletârunt. Plutarchus Ethicū magis agit, quàm Physicū ; Dioscorides Medicū ; Ælianus historicū ; Solinus Geographū. Gallienus Hippocratis premit vestigia , quem diligenter observaverat ; sic tamen , ut multa ex Plinio decerpserit, cujus historiam naturalem indefessè pervolvit. Reliqui sapientes , qui secutis temporibus floruerunt, in duas dirempti sunt sectas , prout nimirum vel Platoni , vel Aristoteli animos mancipârunt, uti patet ex Avicenna & Averroë. In eadem vestigia , dum rerum potirentur, Scholastici subiverunt : Major tamen pars Aristoteli subscripsit , quidquid æmuli opposuissent. Quin Scholæ quantocūque fastu turgidæ , quem etiam discipulis inspirârunt , suis in placitis aded erant Reli-

Religiosi & cauti , ut trecentorum propè annorum spatio nemo docere ausus sit, quod Aristotelis sententiæ repugnaret.




## CAPUT IX.

*Quid de Recentiorum in Physica placitis sit statuendum?*

**R**ecentior Physica sæculo decimo sexto excoli cœpit. Galilæus Florentinus haustâ ex Leucippi hypothefibus ideâ prima ejus lineamenta adumbravit. Cùm enim ingenio acri ac fixo polleret ; præterea perfectam Astronomiæ, Geometriæque notitiâ comparâset , meliùs cunctis sive qui præcesserant, sive qui subsecuti sunt, de motu locali, ejusque regulis, ac proprietatibus differuit. Is primus omnium, principiis inhærens Aristotelicis, pendulorum proportionem, & motûs gravium in progressu accelerationem ad calculos revocavit. Is Peripateticis magis accessit, atque successores, sic tamen, ut à veteribus placita mutuatus novam admodum speciem exhiberet. Quippe Copernici de mundi systemate, quod innovaverat, sententiam auxit, & ope Teloscopiorum plures novas detexit stellas ; maculas in sole, montes ac valles in Luna, in Venere diversas Phases, incrementa lucis & decrementsa denique observavit. In cunctis suis dissertationibus vim prodit, ac pondus ex ideâ novi, quem commentus est, motûs. Unde grandem sibi apud Italos famam conciliavit, à quibus recentioris Philosophiæ veluti parens est habitus. Baconius naturalis scientiæ amorem in Angliâ accendit. Ingenio erat amplo & ad Physicam propenso. Et verò haud minore eandem persecutus est fortunâ, atque

historiam ; tametsi subinde aliorum hac super re testimoniiis fidem nimis facile adhibuerit. Reliquum ejus Physicæ infirmus est : Characterem tamen hominis passim indicat ; nec parùm contulit, ut populares sui ad studium hujus scientiæ, & naturæ meditationem excitarentur. Equidem Philosophia in regno illo reffloruit, & complures deinceps fuere, qui haud minore Philosophiam amore prosequerentur, ac ipse fecerat. Torricellius, Vinianus, Michelinus tres Academici Florentini motum mirificè pertractârunt. Gassendus ob conatus suos satis laudari nequit. Ex tota antiquitatē alium non erueris, qui similiter sex densa volumina conscripsisset. Cæterum Epicuri Physicam instauravit ; mōtum ex Galilæi sententia exposuit, hac tantum in parte ejusdem sectator, alioquin Epicuræus, sed tamen mitior, cūm videlicet fidei Orthodoxæ veritas emendationem deposceret. Admittit enim atomos à DEO conditas, quod Epicurus infitiabatur ; motum illis à DEO inprimi, extensionem quòque ac figuram discerni asserit, quæ Epicurus omnia iisdem dicebat ingenita ; Providentiam quòque adorat, quam iste sustulerat ; verbò, uti ipse vir erat frugi, ita Epicurum vitio absolvere contendit. Verum nemo Aristotelem pejùs accepit : hunc, estò genii aliàs placidi, sedatque esset, rudem, stultum, Chymæricum vocat. De Helmontio, cui in tota Aristotelis Physica nihil est sanum, negari vix potest, quòd defectum habuerit judicii. Nempe Paracelsus ejusdem animum corruerat. Liber Physicus Campanellæ, in quo res, alioquin sensu omni destitutas, animâ præditas docet, sic ut nulla totius naturæ pars vitæ sit expers, somnii & imaginationis Extaticæ, cui non rarò subjectus fuerit, suspicionem facit. Telesius eundem secutus est in libro contra Gallienum conscripto. Nimium audet suis in sententiis;

tentis ; Aristotelem nonnunquam fastuosius reprehendit, quantumvis sine ratione. Gilbertus Magnetis phænomena optimè explicuit ; Harvæus processum generationis animalium, & sanguinis circulationem ; Fromondus Meteora, Savotius colores, Mercennus sonum, & harmoniam ; Willisus cerebrum, ejusque partes ; Grævius plantarum anatomicum. Fludius parùm sani habet judicii, & Philosophorum Paracelsus haberi potest, sicut è converso Paracelsus Medicorum Fludius rectè diceretur ; quod genio planè consentiant. Gassendus Physicam Fludii doctè impugnavit. Borellus & Geometra & Physicus est bonus, ast Metaphysicorum expers principiorum ; unde suis in assertis crebrò vacillat. Thomas Hobbius profundam ingenii meditationem præferet ; utque audentioribus postremæ ætatis Epicuræis adnumerari potest, qui Religiosè universis Magistri principiis inhæreat ; nullum interpretetur, aut detorqueat : malè de intellectu, ejusque operationibus ratiocinatur, utpotè quas phantasmatis, & imaginationi duntaxat adscribit. Boyle rationem habet pro duce, atque experimentis tantùm, & animadversionibus Physicam ditare studuit, quæ doctis admodum probantur.



## CAPUT X.

*Quid de Cartesii Physica sentiendum ?*

**S**ed ne nationi nostræ injurii simus, néve Cartesii prorsus obliti videamur, id saltem fateamur oportet ; physicam ab ipso contextam, si cum aliis Recentiorum hoc super argumento elucubrationibus conferatur ; sive acumen dictionis, sive absolutam, completamque materiæ tractationem

spe-



spectes, præcipuis meritò adnumerandam esse. Varias inibi ideas haud illepidas, multas observationes curiosas leges, utque omnia excusseris, denique seriem doctrinæ magis ordinatam offendes, quàm in Galilæo, aut Anglis scriptoribus. Insuper plus novitatis, ampliorem recens inventorum copiam suppeditabit, quàm Gassendi volumina. Demum, ut paucis constringam omnia, nèque ordinem, nèque methodum in opere desideraveris: ille probè digestus est; hæc Geometriam sapit; proinde principium ex principio, propositionem eruit ex propositione. Attamen non desunt, quæ vicissim reprehendas. Pro corporis naturalis principio motum, figuram, & extensionem statuit, quæ ferè cum Democriti & Epicuri principiis consentiunt. Hinc ajunt Mersennum, qui ejus patronum agebat Parisiis, dum aliquando in sapientum confessu asseverasset, Cartesium alioquin ob Geometriæ peritiam clarissimum, novam meditari Physicam, in qua Vacuum propugnaturus esset, à nonnullis derisum fuisse, ut qui ex data hypothese continuò arguerint, majoris momenti rem inde haud prodituram. Idcirco Mersennus clientem litteris mox admonuit, Vacuum eâ ætate Parisiis non probari: ut aded Cartesius alias inire vias coactus sit, quæ non modò Recentiores Physicos à se non arceret, quin potius optatum ab ipsis suffragium impetraret. Itaque Plenum Leucippi instauravit, & Vacui proscriptio ex ratione politica principii locum obtinuit. Verùm hanc quoq; positionem novis argumentis Gassendus impetiit: nempe motum, qui ad censum principiorum Cartesii pertineret, impossibilem reddi, si nasquam Vacuum relinquatur; quòd in Pleno pars nulla citra penetrationem moveri posse videatur. Cartesius, ut absurdam hanc consecutionem amoliretur, ad materiam subtilem curas adjecit: illa velut machi-

na universali quovis applicita tam Pleni, quàm Vacui, quantum intererat, sententiam constabilivit. Uti autem hæc de Pleno, materiæque subtili opinio solum ex intervallo, & ne tempori, ac genio hominum obniteretur, non autem ex sua Authoris mente in systematis partem venit; ita in cunctis, quæ motum, ut ut principium esset, concernerent, Physicam reddidit infirmiore. Motus enim omnis ex mente Cartesii initiò mundi est conditus; quin ullus vel de novo causetur, vel de corpore transeat in corpus. Materia subtilis impulsu suo gravitatem juxta & levitatem corporibus indit; motum gravium in progressu centrum versus accelerat; particulas aëris motu agitatur perturbato, in quo ratio caloris est sita. Docet præterea plantarum genesim, animantium propagationem non nisi fortuito corpusculorum concursu peragi; non secus, ac palatium ex lapidum temere congestorum cumulo formaretur: Item quòd bruta non sentiant; quòd lætitiæ, amoris, odii, tristitiæ, doloris, voluptatis indicia, quæ manifestè produnt, elateriis pro varia materiæ dispositione sint tribuenda; quòd neque ignis sit calidus, neque marmor durum, neque aqua humida; sed cuncta ex perceptione animi denominationem obtineant: itaque perceptio & ignem calidum, & marmor durum, & aquam humidam constituat; quin res ipsæ ullis affectæ sint qualitatibus, utpote quas dudum inter chymæras reposuit. Adde, quòd Cartesius, dum vult ut, si vel tantillum sapere cupiamus, de omnibus dubitemus; notionem seponamus quasvis; missa faciamus præjudicia sive ex assuetudine, sive ex educatione prima, sive ex opinione, sive ex sensibus, rerumque impressionibus hausta, multò plus deponat, quàm polliceatur: dùmque effectuum naturalium causas redditurus, ait, eosdem ex certa figura, motu destr-

## CAPUT XI.

*Quid in Recentioribus, qui de Physica  
scripserunt, laudabile? Quid è converso  
culpabile?*

**P**hyfica Chymicorum unà cum tribus ipsorum  
principiis, Sale, Sulphure, ac Mercurio labi-  
bili nititur fundamento: angustis clausa li-  
mitibus ingenia habuerint, oportet, qui, cùm uni-  
versam complecti non possent Philosophiam, ad ob-  
jecta certis definita terminis operam applicuerunt,  
quibus animum, cogitationesque constringerent.  
Porro ternas in classes congruè secernuntur. Sunt  
enim, qui Naturæ notitiam generatim sectentur:  
sunt rursus, qui ministerio ignis ex lapidibus, me-  
tallis, plantis, & animantibus sales diversos, li-  
quoresque extrahant in usus medicos: sunt deni-  
que, qui Chrysopæiæ studeant, artémque inquirent  
metalla sive quoad naturam specificam, sive quo-  
ad colorem, sive quoad plexum, partiùmque tex-  
turam variè transformandi. Primi, & secundi in  
numerum doctorum, qui rationem sequantur, ve-  
nire possunt, ut Albertus Magnus, Helmontius, &  
qui vulgò Chymici audiunt. Ultimi, quos barba-  
râ voce Alchymistas dicimus, extra orbitam abeunt.  
In jura quippe conditoris involat, qui, quodd nova  
moliatur metalla, potestatem novas rerum species  
efformandi, libi atroget, recessè est. Cabalistarum  
& Astrologorum, qui judiciariam profitentur, do-  
ctrinâ nihil futilius. Ita equidem censeo non secus,  
ac de Cardani Physica, qui universa in suis de re-  
rum varietate libris conclusit. Ast prætermittere  
nequeo, quia ultrò contester regiam Physicorum



societatem in Anglia, Academiam Philosophorum, quæ non multo abhinc tempore Regis jussu Lutetiæ est instituta, curas Cardinalis Medicæi vitæ functi, ut sapientes exemplo suo incitaret, novumque experimentorum opus, quod ante annos aliquot Florentiæ typis excudi fecit, plurimum contulisse, ut præsentis, quod agimus, sæculô Physicæ amor accenderetur, néque aliud inter Europæ literatos studium magis ferveret, quam istud. Et verò optatus conatui eventus non defuit. Nam citra adulationem dici potest à medio circiter sæculo sive experimentis, sive observationibus, sive instrumentis Astronomiæ servientibus, nupérque inventis, plura in Physicis esse detecta, quàm à mille & amplius annis. Etenim ars tandem innotuit diversas aëris affectiones thermometro explorandi: factæ sunt novæ corporis lunaris imagines in charta, quæ tum phases menstruas; tum varias apparitiones ob umbram in eminentiis & cavitatibus, tanquam tumulis vallibusque ortas repræsentarent; repertus est modus, syderum cursus ad calculos revocandi, perinde atque motus indicis in automato, aut umbræ in solario dimensus est. Nostro hoc sæculo, aut paulò ante in Cælestium corporum motibus anomalia patuit, nimirum illis in operibus, quæ DEUS præ reliquis omnibus magis ordinavit. Denique ob laudabilem hanc litteratorum æmulationem, quæ superioribus annis Gallos, Italos, Anglos, Batavos Physicæ Cultores commisit, non sine ratione diceres, mundi faciem immutatam; Cælum aliis agi principiis, aliter conformari; aërem ob meteororum notitiam magis illustrari; maria ob nauticæ peritiam commerciis opportuniora; terram ob simplicium, mixtorum, salium & fossilium cognitionem magis pervideri; cunctas artes novis inventionibus esse nobilitatas. Id unum modò est studium, novum scien-

scientiis lumen accendere, quas sæculorum exactorum negligentia offuscavit. Perpetuus experimentorum usus, meditatio, & notitia magis ac unquam invaluit. Quid memorem mirandos conatus super cordis motu, circulatione sanguinis, cerebri structura, totius humani corporis anatome; dum tot arcana, tot myſteria à modico tempore in muſcis, cæterisque infectis, detecta ſunt, ex quibus Angli ingens obſervationum volumen congeſſere, quas hætenus ignorabamus? ſi pari ardore Phyſicæ particularis ſtudioſius promoveant, obſervationes in ſingulis mundi partibus, ad quas navibus appellant, ſuſcipiant, facile ſecundum hiſtoriæ naturalis totum abſolvent, qui Pliniano ſubnecti mereatur. Narrationem ægrè finivero, ſi cuncta ſingillatim perſequar, quæ recentior Philoſophia in natura detexit. Sed tamen nequeo non meminiffe, quantam in Galliis facultas hæc ex D. Camerarii, Regii Archiatri, operibus fecerit acceſſionem. Cùm ad Ariſtotelis placita præpenderet, de Phyſica ſolidius ſcripſit, quàm alii complures, &, quod mirère, elegantius. Nunquam in materia aded ſterili, ſiccæque tot flores, tantàmque venuſtatem videris; quin tamen diſtionis ornatus argumentorum robur infringat, aut materiæ gravitatem imminuat. Verè pronuncies nullum ex Recentioribus æquè nitidum fuiſſe & ſolidum, ipſamque aded Naturam, ſi ſemet declarare velit, aliâ linguâ, alio diſtionis genere non uſuram.



## CAPUT XII.


*Media, quibus Physica perficiatur.*

UT has demum animadversiones absolvam, expendere supremum juvat, quid contulerit, ut scientia Physica, ab aliquot retro annis multum exulta, ultimam perfectionem obtineat; quidque è converso obsuerit, quo minus, uti par esset, porro excolatur. Honor & æmulatio veluti anima est artium & scientiarum (a): hinc satis nunquam illos æstimaveris, quos genius ad Physicam trahit, utpotè cujus notitia humanæ societati plurimum tribuit emolumentum. Sed neque satis monueris, ne novis occupentur opinionibus, antequam eas discusserint; néve partium sint studiosi & aliorum placitis serviliter adhæreant. Exuendus est mos iste pessimus, qui discerniculum & cognitionem veritatis nunquam non præpedit. Firmant assertiones suas usu rerum, & experienciâ, (b), ut ita gratos devitent errores, & inditum animis propria in causa præjudicium deponant: sed tamen ne nimium curiosi sint, quin doceri sustineant, nec nimium dociles, quin ipsimet res investigent. Quippe indocilis curiositas ad errores, docilitas servilis & cæca ad ignorantiam iter instruit. Nôrint rationem & experienciam geminos esse calles, quibus ad hanc scientiam patet accessus; rationem autem sine experientia minus solidam, experientiam sine ratione minus esse accuratam. Ne vulgi curiositatem pascere contendant novitate, Quorundam enim

nova-

(a) Honos alit artes, omnesque incenduntur ad studia gloriâ: jacéntque ea semper, quæ apud quosque improbantur. *Cic. 1. Tusc.* (b) Usus & experientia dominantur artibus, neque ulla est disciplina, in qua non peccando discatur. *Colum. de re rust. C. 1.*

novatorum hæc vanissima est Philosophia, minorem ut sollicitudinem gerant, res utiles, quàm delectabiles proferendi. Istæ sunt regulæ recentioribus Philosophis vehementer commendandæ (a), ut soliditati studeant, sine qua scientiam, de qua loquimur, nunquam obtinebunt, utpotè illusionibus obnoxiam, & suâ sæpè laborantem certitudine. Cæterùm etsi Physicæ generali ferè nihil adjici potest, ut novis locupletetur principiis, novâ methodû pertractetur; siquidem statutos denique fines habet: nihilominus particularis aded ampli est argumenti, ut semper invenias, quo augescere queat. Utque multas detexeris stellas, perpetuò aliæ supererunt detegendæ: quoniam fundi aded est profundi, ut licet multorum ingeniorum studio, plurium sæculorum decursu hauriatur, semper tamen maneat inexhausta.



## CAPUT XIII.

*Physica nonnunquam sensibilibus rerum  
conditarum formis nimium affigitur, ut aded  
conditorem minus agnoscat.*

**U**ltima animadversio, quam de Physica tractantes meritò faciunt, spectat inolitum quorundam Physicorum morem, qui suis in ratiocinationibus cuncta ad Naturam revocant; proinde eidem plùs, ac competat, virtutis attribuunt: insuper illius potentiam ultra præstitutos à conditore fines extendunt. Ita fecerat Alcindus Arabs Philosophus, quem Averroës inter summa, quæ unquam fuerint, ingenia seponit. Sanè pauca ignoravit: sed studium in eo tantùm posuit, ut Naturæ

affere-

(a) Non tempus nobis deesse, verùm industriam, ordinem, rationem, & modum sciendi. *Quintil. L. 2: c. 10.*

affereret, quæ vulgò spiritibus adscribuntur, & sive à bonis, sive à malis genis præter Naturam contingunt. Similiter Petrus Aponensis, & Pomponacius Naturæ faventiores, effectus omnes sublunares ad impressiones Cœlicas retulerunt: utque Galienus à temperamento qualitatum, Albertus magnus à forma specifica, Marsilius Ficinus à Planetis; ita Petrus Aponensis à cœlestium corporum virtute cuncta derivat; nec aliud in rebus agnoscit prodigium quàm temporum & anni vicissitudines (a), idcirco *vir magnæ sed nimium audacis sapientiæ* à Joanne Baptista Mantuano jure appellatus (b). Vitium istud pusillis proprium est mentibus, quæ non credunt, nisi quod cogitatione assequi valent. Montagnius ejusdem videtur Characteris: multa pernegat, dum naturali ratione cuncta cupit firmare; Eò religioni damnosior, quò probrum hoc magis à se nititur amoliri. Ob simplicis enim sermonis, & Philosophiæ prorsus humanæ candorem faciliùs in animos influit, præsertim, dum obiter, & per transennam tantùm se dicere simulat, quæ dicta vel maximè satagit. Cartesii Physica spiritus ultra sensum non provehit; quippe operationes animæ quantumvis spirituales per corpuscula explicans. Unde paucis abhinc annis Anglus non defuit (c), qui conaretur ostendere, universas ejus ratiocinationes ad principia mechanica artium tandem reduci; in quo Philosophia ejuscemodi Religioni sit noxia. Universim Physica Medicæ, Astrologiæ, & Chymicæ juncta sensibilibus rerum conditarum formis nimium occupatur, ut proinde conditorem minùs agnoscat. Plus æquò sensibus indulget, quàm ut supra sensum sapiat; dumque animum rebus inferioribus perpetuò distinet, ægrè adducitur, ut DEUM existeré-

(a) *Loyer. l. 4. de spectris. c. 5.* (b) *12. de pat. c. 3.* (c) *Non. Morus in præfat. Enchiridii Metaphysici editi Londin. ad Annum 1671.*

stere credat. Miseri ejus generis Philosophi ! qui ad cognoscendas res conditas ingenia acuunt ; ad pervidendum conditorem obtendunt, & quodammodo excæcant. Longè diversa veterum Philosophorum methodus erat : non modò sublimiores præ nobis habebant ideas, sed semetipsos transgressi supremam agnovêre rationem, quæ regula esset placitorum omnium, & cui ingenia subjicerent (a). Denique ne diutius immorer, reflectamus oculos ad nos ipsos, quoties de natura sententiam rogamur: maturum feramus judicium, nec temperè de illius operationibus statuamus, utpotè de quibus non nisi cum tremore foret pronuntiandum. DEUM enim arguit, ejusque Majestatem suo supponit judicio, qui naturam DEI opus reprehendit (b). Ita Rex ille exorbitavit (c), qui ex erroneo Philosophiæ sensu ab Arabibus hausto structuram mundi sibi sumpserat emendandam. Sana Philosophia, ubi perfectionis apicem attingit, cuncta timidè circumspicit; cùm sententiam dicere oportet, tremore percellitur, quòd suam noverit ignorantiam & humani ingenii infirmitatem ; siquè de DEI operibus sermo incidat, missò ulteriori ratiocinio, intellectum quantumvis perspicacem submittit, non secus ac Cherubin alas apud Prophetam incurvent, & DEI throno substernant, ut ejusdem excellentiam ac Majestatem humili venerentur obsequio.



ANI-

(a) Quid aliud natura, quam DEUS & divina ratio toti mundo inserta ? *Sen. Benef. L. 14.* (b) Per quæ declaratur naturæ potentiam id esse, quod DEUM vocamus. *Plin. Hist. Nat. L. 2.* (c) *Alphonsus Rex Castellæ.*



# ANIMADVERSIONES

IN

# METAPHYSICAM.

## CAPUT I.

*Nihil certò & evidenter scimus nisi ope  
Metaphysicæ.*

**P**hyfica rerum naturalium, & sensibilibum, Me-  
taphysica intellectualium, & insensibilium est  
scientia. Reliquæ omnes ad hanc ordinem  
dicunt, ceu basim & fundamentum, cui inni-  
tantur; ab hac methodum discunt scientificam,  
quæ si absit, imperfecta duntaxat & superficialis  
comparetur scientia, necesse est (a). Hinc fortassis  
Aristoteles ansam sumpsit Metaphysicam verum Phi-  
losophiæ exordium, & primam scientiarum omnium  
appellandi (b). Uti enim sola entis contemplatione  
occupatur, quin expendat, corporeumne sit? an  
corporis expers? ultra sensus & objecta iisdem ob-  
noxia contendit; & Geometriæ quidem corporum  
quantitatem, Physicæ autem reliquas ipsorum pro-  
prietates speculandas relinquit: ut in solas rerum  
essentias à singularibus separatas, cujusmodi sunt  
substantiæ, accidentia, relationes, oppositiones, &  
quid quid seposita materia sensibili concipi potest,  
obtutum deligat; & res alioquin ex genere suo spi-  
ritua-

(a) Aristoteles. L. 6. Metaph. (b) Idem. L. II. c. 6.

rituales nempe animam rationalem, Angelos, DEQM aded ipsum valeat contemplari : quocirca divinum quid sapit nec immerito ab Aristotele divina & Theologia naturalis denominatur (a). Finis hujus scientiæ est pura, abstractaque veritas. Ejus ope res universas prima ab origine pervidemus, ut intellectum nihil effugiat ; quin & species quaslibet singillatim persequimur, ut easdem licet innumeras ad sua revocemus principia. Nisi ipsa præluxerit, cognitio omnis humana imperfecta erit, & debilis ; nec solide quidquam seculis ejusdem axiomatis demonstrabitur.



## CAPUT II.

*Scopus Aristotelis in Metaphysica, & ejusdem in quatuordecim libros partitio.*

**S**Copus, quem Aristoteles in Metaphysica sibi præfixerat, fuit, ut principia aliis scientiis subministraret, quibus alioquin destituebantur, ut veritatem stabiliret, quæ normæ instar, ac Regulæ reliquis foret. Itaque duodecim libros conscripsit, quorum tres primi Metaphysicæ prolegomena complectuntur. Libro primò docet memoriam ex sensu, experientiam ex memoria, artem & scientiam ex usu comparari (b) ; præterea sapientiam, utpotè primorum notitiam principiorum, jure anteponi scientiæ ; nihil sciri, nisi ex causis, propter quas res est, nec aliter se potest habere ; veteres Philosophos sæpius benè sensisse, quin rationem nòssent, cur ita sentirent ? quoniam methodo suis in cognitionibus caruere, denique præjudicia ex educatione

C

(a) *Idem. ibidem.* (b) *Ufus efficacissimus omnium Magister. Plin. Hist. Nat. L. 26.*



tiam, tanquam fundamentum potioris patris principiorum, quæ Metaphysicæ sint propria, pertractat. Libro undecimo plura repetit, quæ tum tertio, tum quarto stabiliverat; speciatim modum opportunè dubitandi, ut vera hoc pacto scientia obtineatur. Etenim, qui dubitat, magis ad vestigandam veritatem instructus est, ac alter, cui nihil dubium videatur: quod videlicet iudicii certitudo ad creperam, incertamque lucem vel maxime pateat. Libro duodecimo, postquam formas substantiales evicisset, separatas quoque à corpore substantias, & spiritus dari edocet; ut ita primi motoris, seu DEI existentiam demonstret. Duo ultimi libri D. Thomæ Aquinatis temporibus non habebantur. Posslevinus L. 13. Bibliothecæ negat eosdem ab Aristotele fuisse conscriptos. Verum, cum idem in ipsis character, idem vigor, ac spiritus, eadem ratiocinandi reluceat methodus, oppositum reliqui opinantur Doctores. Utque abnuî nequeat, multa in tertiodécimo rememorari, quæ Pythagoræ numeros, ideas Platonis concernunt; tamen decimus quartus congeriem exhibet axiomatum, principiorum, divisionum, ac definitionum longè pulcherrimarum, quas ex prioribus contulit. Tametsi verò Aristotelis Metaphysica minùs sit ordinata, & crebriùs eadem recolat; fons nihilominùs est inexhaustus cognitionum, argumentorum, regularum, & veritatum, quæ reliquas ad scientias mirum in modum iter facilitatur: neque aliud Philosopho, qui rerum notitiam eruere velit ex fundo, magis est necessarium, atque Aristotelis Metaphysica.

## CAPUT III.

*Aristoteles optime omnium Gentilium  
Philosophorum de ente supernaturali, atque  
spiritibus differuit.*

**Q**uod magis hoc in opere mireris, præfatam abstractè ratiocinandi methodum primus omnium Aristoteles invexit; ille de ente immateriali, de spiritibus, ipsoque DEO sermonem intulit. Sanè prædecessores Philosophi ejusmodi de rebus parùm solidè differuerunt. Pythagoras quidem ab Hebræis ex consuetudine cum Ægyptiis habitâ DEI unitatem edoctus fuerat, quam etiam Græcis postmodum tradidit: sed ut Ægyptii mysteriis, visis, ac Somniis multùm solebant tribuere; ita Pythagoras variis pariter imaginibus imbutus de spiritibus atque intelligentiis, tanquam de subtilissimis, quæ mundum undique occuparent, corpusculis loquebatur (a), ut adeo Cabalisticis innumerabilium gerrarum, & commentorum de spiritibus author fuerit, quorum subinde memoriam suis in relationibus Anonymus innovavit (b). Plato, qui vix aliter loquitur in Epinomidis & Cratili dialogis, errores à Pythagora hausit; Zeno autem Stoicus à Platone, ut Lipsius diffusè declarat (c). Apulejus asserit, Platonem ex veteribus Philosophis optime de DEO, ejus Providentia, rebusque divinis, ac spiritibus sensisse (d). Nec abs re est, quòd hac in materia reliquis saniora proferre videatur. Ast, quo.

(a) *Diog. Laër. de Pythag.* (b) Omnes partes mundi animarum esse plenas: intra lenz Gyrum aërias esse animas. *Varro apud Augustinum lib. 7. de civ. DEI c. 6.* (c) Non aëra ætate tam plenum muscis esse quàm geniis. *Lipsius L. 1. Physiologia cap. 18.* (d) Nulla secta majori successu de divinis rebus Philosophata, quàm Platonis, qui cælo ipso sublimiora vestigavit. *Apulej. in Apolog.*

quoniam potiori ex parte Pythagoræ dogmata recitat, nemo eidem satis tuto adhæserit. Tertullianus ait, Platonicos perinde, ac Stoicos DEO corpus affingere (a). Aristoteles, quod ingenii esset acrioris, & magis solidi, aliter argumentum istud pertractat; Pythagoricorum errores à sanis, quæ didicisset, placitis probè distiuguit. Quod Epicurum attinet, formâ adeo ridiculâ DEOS depingit, ut cum maximè ipsos invehit, simul eliminet (b). Zeno sapientem Divinæ Providentiæ negat esse obnoxium; Diis facit æqualem; proinde hos despiciabiles reddit, permittit pro arbitrio quidvis opinandi libertate (c). Chrysippus libros aliquot de Diis, & Divinitate conscripserat, quorum Plutarchus in moralibus meminit; sed interiøre, nec aliis, quàm Zenonicis niti videntur principiis. Ex tota retro antiquitate nihil hoc in genere melius erueris, ac libros Ciceronis de Natura Deorum. Etenim iudicium ubivis tam rectum promit, doctrinam tam sanam inspergit, ut à Pagano ampliùs sperare non possis. Quod autem cæteris sapientiùs ratiocinetur, Aristoteli debuit, cujus non modo sententiæ est secutus, sed etiam argumenta, quæ Providentiæ res agi evinceret, adhibuit. Seneca cum de Divinitate loquitur, semper, ut ita loquar, sapere videtur. Idea DEI quam fingit, quasi instar universalis spiritûs mundum animaret, vitio non caret (d). Sed tamen verè pronuntiavit, *nihil interesse, utrum DEUM neget, an infames?* (e). Quæ posterius de Metaphysica sub Cæsaribus Platonici vul-

## C 3

gavère,

(a) Platonici corporalem DEUM statuunt. *Tertul. Apolog. c. 47.* (b) DEOS jocandi causâ induxit Epicurus pellucidos & perscrutabiles. *Cic. Tuscul. 5.* Stoici rotundam DEO dederunt formam. *Seneca Epist. 94.* (c) Philosophia mihi promittit, ut me parem DEO faciat. *Idem Epist. 49.* (d) DEUS mens universi, quod vides totum, & quod non vides. *Idem in proem. Nat. quæst.* (e) *Idem Epist. 124.*

gavère, leviora sunt, & argumentorum pondere non raro laborant. In Patribus Græcis, quod Platoni serè omnes adhæserint, dum de Angelis, spiritibusque verba faciunt, ob erroneas, quibus imbuti erant, ideas, crebrius maiorem accurationem requiras. Post stabilitam Christianorum Religionem existentia DEI, animæ immortalitas, status ejusdem à corpore separatæ; bonorum malorumvè geniorum natura & reliquæ principales fidei nostræ veritates tam luculentis declaratæ sunt rationibus, ut citra impietatem vocari porrò in quæstionem nequeant. Pomponacius priori sæculo librum edidit de animæ immortalitate, qui ob characterem suum Romanam illi censuram subinde accersit (a). Agrippa in omnibus suis dissertationibus exorbitat, quas librò tertio Philosophiæ occultæ, de DEO, Religione ac intelligentiis instituit. Ramus Metaphysicam tanti non fecit, quin potius vilipendit, quo in negotio parùm prudenter egit. Philosophiæ liberales artes lubenter junxisset; dum impunè Metaphysicam rescinderet. Sed in immani hac scriptorum multitudine, quæ scholasticos inter pulveres posterioribus sæculis sunt excusa, nullum majoris acuminis, ingenii acrioris & magis perspicacis indicium præbet, atque Metaphysica Patris Francisci Suarii è Societate JESU; cùm enim contineat, quidquid apud Scholasticos universim subtilitatis erat ac roboris, inter admiranda supremæ ætatis opera jure merito numeratur. Néque satis commendari potest junioribus Theologis, qui ob depravatum jam animum, novæque methodi cupidum, Scholasticam suis in disputationibus negligunt, ut si historiam præferrentur. Nimirum minùs difficile accidit ostentare memoriâ, quàm sani judicii specimen dare. Ingens præterea commentariorum in Aristotelis

(a) Bullæ: eum diebus nostris dec. data anno 1513. 14. Kgl. Jun. ad S. Jean. Lat.

telis Metaphysicam numerus ultimis temporibus prodiit; & verò charactere admodum subtili exaratorum: quos inter eminet commentarius Fomsecæ Lusitani, ex eadem Societate Sacerdotis. Equitis Digbæi de animæ immortalitate liber nimium abstractus est. Metaphysicæ Cartesii meditationes à nonnullis laudantur, quasi præ aliis Recentioribus hujuscemodi materiam largiùs exhausisset. Prima docet rectè dubitare, ut scientia comparetur; secunda, cogitationem præ corporibus sensibilem esse ac notam, evincere nititur; tertia DEI existentiam demonstrat; quarta inter verum & falsum distinguit; quinta rerum materialium essentiam persequitur; sexta eandem existentiam comprobat; demum opus totum absolvitur reali inter corpus & cogitationem distinctione, ut ita decantatum illud principium statuatur: *cogito, igitur sum*. His adjici possunt responsa ad Gassendi objectiones eodem charactere, ac tenore conscripta. Wilisius Physicus Anglicanus de formis separatis haud malè differit; nec ævo præsentì, quo meditationes Physicæ præ Metaphysicis invaluerunt, multa, quæ eidem conferri possent, opera aspeximus. Optabile foret ut ingenia ad id alioquin idonea diligentiorẽ Metaphysicæ darent operam; quin tamen illorum sequantur consilium, qui Religionis mysteria planiùs pertractanda, Metaphysicis abstractionibus indies implicant, cùm tamen nihil iidem realius, nihil simpliciùs valeat cogitari.



## CAPUT IV.

*Quæ amotis impedimentis perficere Metaphysica queat?*

**M**etaphysica, quantumvis tot lucubrationibus, de quibus nunc memini, exhausta videatur; nihilominus porro haurienda, etiamnum suppeditat, si quis ad principia, & ratiocinationes, quas in Metaphysicis Aristoteles fecit, reflectere velit. Néque enim limites poni possunt scientiæ, quæ conceptibus, atque ideis perficitur. In hunc verò finem character reflexioni & ratiocinio proprius necessariò deposcitur. Præterquam enim, quod dicta scientia suas ratiocinationes magis expendat, quàm quævis alia, complures in decursu obices, iidémque non leves occurrunt. Primus est, quod vias insistant minùs frequentes & ferè incognitas, quod nihil propemodum habeat constabilitum; quod nulla quasi definitio inveniat legitima, nulla divisio satis exacta & adæquata; quod ansam præbeat, de multis dubitandi, quærendi, litigandi; pauca tamen principia, de quibus inter æmulos conveniat, hucusque suggesserit. Secundum ponit ingenuus mortalium animis timor, qui Metaphysicam, quod à materia, rebusque sensibilibus abstrahat, continuò viribus superiorem depingit: ut aded similes simus, viatoribus, qui nunquam non timent, & curis anguntur, dum per calles incognitas iter faciunt. Tertius oritur à maximo vocum difficultium & barbararum numero; à definitionibus obscuris & implicatis; ab ingenti cogitationum & argumentorum in Scholis profusorum farragine, quæ scientiam non, ut par esset, amabilem, quin contra ingratham & odibilem reddit.

dit. Quartus est cavillationum congeries, infinita spinosarum & nauseabilium quæstionum series, quæ potius serviant torquendis, quàm erudiendis ingeniis. Quintum denique opponit raritas ingeniorum ad hanc scientiam factorum. Néque enim huc pertinent, qui vel nimis anxie cuncta rimantur, vel superficieremus hærent. Nimia meditatio creat melancholiam & Philosophos, ut Agrippæ accidit, in phantastas transformat. Levitas animi & desultoria studendi methodus in opiniones abstrusas, & periculi plenas avertit, prout malo suo comprobavit Cardanus, qui visis in diversa abstractus Philosophiam summè chymæricam condidit: quod ipsum alii levioris genii hodiéque experiuntur. Ab aliquot retrò annis authore Henrico Moro liber Metaphysicus Londini excusus est, qui omnes Cartesii ratiocinationes, quibus DEUM existere demonstrat, & potiore Meditationum partem suffulcit, convellere nititur. Nempè parùm erat Anglicano huic Philosopho Cartesii Physicam, perindè ac Hobbesianam tanquam liberiores impetere, nisi etiam Religionem illius culpâset. Viderint clientes alioquin famæ admodum cupidi & retinentes, quî doctrinam Magistri & Authoritatem tueantur. Superessent aliæ præterea animadversiones, si Metaphysicæ axiomata minùs forent obscura: sed antequam his finem imponamus, de sano Philosophiæ usu, ad firmandam videlicet Religionem, paucis loquamur: quippè is tandem fructus erit optatus, præcipuè cum non rarò contingat, minorem de Religione apud illos sollicitudinem esse, qui curas Philosophiæ impensius addixêre.



## ANIMADVERSIONES

De

Sano usu Philosophiæ ad pro-  
tegendam Religionem.

## CAPUT I.

*Philosophiam utpotè præcipuum ad sta-  
bilienda Religionis dogmata instrumentum sanam  
esse oportet.*

**P**Ræcipuum, quo ad confirmanda Religionis dogmata utimur, instrumentum, est ratio; hæc verò minùs relucet, si Philosophia absit, cujus ope in ordinem methodumque digesta, tandem ad infallibilia principia revocatur. Igitur multum interest sanam didicisse Philosophiam, ut intellectus æquum ferat judicium, & tutò procedat per semitas, à quibus quævis defectio, & vel tantilla exerratio nequit non esse damnosa. Hinc rectè lactantius: *Philosophia viro prodest plurimum, si Religione imbutus sit animus* (a). Sed facîle medio tam salubri abuti contingit, dum animus sive labendi cupidine; sive malis affectibus; sive præceptis opinionibus in transversum impellitur: nec à vero ablusit Callicles apud Platonem, cum dixit, Religionem Philosophiâ malè impensâ depravari posse. Igitur magnâ opus cautelâ. Fides unctio est cœlica mox deperitura in animo perperam erudito. Uti enim liquor à va. e lutulento vitium trahit; ita ad corrumpendam

Reli-



Religionis Sanctitatem nihil opportunius, quàm ut errores hauserit, qui eandem profitetur. Haud tamen idcirco Philosophus sit oportet, qui Christianis cupiat accenseri; neque cœlestis sapientia terrenâ tanquam bali innititur. Sed cum ratio nostra sese fidei subjecerit, hæc quantumvis divina humanis uti voluit argumentis, ut intellectum rationi facilius submitteret; adeoque pura sanctaque vix erit, nisi Philosophia ejusdem instrumentum ac organum similiter labe caruerit. Hinc Divus Paulus primævæ Ecclesiæ Sodales tam sollicitè commonet: *Videte, ne quis vos decipiat per Philosophiam, & per inanem fallaciam, secundum traditionem hominum, secundum Elementa mundi, & non secundum Christum* (a). Mundus diversis Philosophorum opinionibus ita erat perversus, ut Christiano, quantumvis circumspexto difficilè accideret periculum amoliri. Quippè Tertulianus disertè testatur, *notata esse commercia hæreticorum cum Philosophis* (b); quin imò *Philosophos* ut ita loquamur, *Patriarchas fuisse hæreticorum* (c). Sequior Philosophia soli & astris cultum apud Ægyptios peperit (d). Valentiniani, quos Divus Iræneus (e) impugnavit ex Diogenis & Epicuri, Gnostici ex Platonis, Manichæi ex Pythagoræ schola prodivere. Marcionem Zenonis doctrina ad hæresim flexit; Manes erroris sui principia ex Saraceno hausit Philosopho, cujus meminit Epiphanius (f). Divus Hieronymus ait (g) Pelagianos non alia de causa in errores deviâsse, quàm, quòd Stoicorum Ethicâ animos imbuissent. Porro quòd propter memoratam

Reli-

(a) *Coloss. c. 2.* (b) *Lib. de præscript.* (c) *Lib. de anima c. 3.* (d) Ægyptios ferè primos omnium, cum oculos in cœlum sustulissent, modum & ordinem corporum cœlestium admiratos, Solem & Lunam DEOS putasse: ea venerantes, dum curiosius intuentur. *Lact. lib. 4. c. 14.* (e) Epicuri Philosophiam & Cynicorum indifferentiam æmulantes. *Iren. l. 2. c. 56. & 7.* (f) *Har. 66.* (g) *Advers. Pelag.*

Religionis cum Philosophia necessitudinem primis temporibus contigerat, idem subsequens evenit. Postevinus observat (a) fidem exuperare, quot in Europa hæreticos & libertinos lectio Averrois procreavit. Nunquam Alphonsus Castellæ Rex naturam redarguens Dei opera carpsisset, nisi ex Philosophis Arabibus, & ex Judæi Hispani fabulis, qui motum trepidationis firmamento indidit, hanc impietatem didicisset. Agrippa ipse fatetur (b) quod intellectum Porphyrii, Procli, & Pleffi, qui omnes Platonici erant, assidua meditatione corruperit. Cervetus Hispanus, & Socinus Italus in eum solummodò finem philosophati videntur, ut novam subinde formam Religioni inducerent. Imò non desunt, qui tueantur, idè potissimum Cartesii Philosophiam, tot in Dania & Suecia aedecias numerasse, quod Calvinii, qui illic ferè dominatur, erroribus faveret. Etenim ejus principia fidem facere adlaborant, naturam rationalem suis in actionibus vel maximè liberis non agere, nisi ex voluntate Conditoris impulsam; non esse hominem, qui velit, dum voluntas operatur humana, sed DEUM; Mysterium Eucharistiæ multis ex capitibus contradictionem implicare. Denique nihil adèd animos depravat ac doctrinæ fucus; nec aliud Religionem magis contaminat, ac exorbitantis Philosophiæ paralogysmi. Quippè Schola mendacil discipulos non creat veritatis; neque humanarum opinionum inconstantia & levitas Apostolos in immobiles fidei columnas formavit. Hinc Patres tam Lateranensis, quàm Viennensis Concilii Philosophiæ Professoribus severè mandarunt, ne quas docerent sententias, Religioni adversas. (c)

CA-

(a) *Bibl. Lib. 13. c. 33.* (b) *In Epistola.* (c) *Possio. in Biblioth. L. 13. c. 10.*


## CAPUT II.

*Christianum esse prius oportet, quam Philosophum.*

**M**ultum ergo Christiani interest, ne quamvis promiscuè didicerit Philosophiā, quando usus ejusdem tantum detrimenti afferre posset. Quin imò prudentis erit se tutum præstare in sententiarum delectu, à tot retrò sæculis invectorum. Quanquā quæ securitas sperari queat inter tot nubes, tenebrasque tam spissas, quibus communiter veritas occultatur? prætereo obscuras esse res naturales; intellectum hominis infirmum; judicium ex sensuum impressionibus ortum fallax esse, ut qui frequenter imponant; denique à præceptis ideis, animique affectibus, lumen nobis ingenitum non minùs imminui, atque à nimium vagis, & abstrusis speculationibus, quæ Philosophos sæpe numero fatigant, & magis ad ostentationem scientiæ, fastumque faciunt, quā ad intellectus eruditionem, morumque culturam. Hinc continuò cernere licet nihilum humanæ sapientiæ, cujus quantuscūque fulgor plerūque viam ad errores designat. Quippè, uti benè observavit Divus Augustinus, *ipsa veritatis occultatio aut humilitatis exercitium est, aut elationis attritio.* (a) Ne igitur effieramur; scientiæ initium fiat ab eo, quod fides docet, antequā ratiocinari auspicemur. Usū fidei in ordinem digeramus, ut rationis usus non exorbitet Christiani simus, antequā Philosophi, & præci-

(a) *Lib. de civit. DEI. c. 22.*

pua nobis eruditio atque Philosophia sit nostra religio. Ut enim Philosophia modum ratiocinandi nos doceat, fides vicissim christiana intellectum rationi, æternæque veritati obedientem facit. Ex Legis studio, quæ *forma est scientiæ & veritatis*, ut ait S. Chrysostomus (a) illius dogmata ad-discamus, ut methodo ratiocinandi insuescamus, quæ maximè eidem congruat. Evangelicæ adhæ-reamus doctrinæ, quam Philosophorum gentilium fastus assequi non valuit, & solido intellectum fun-damento firmabimus. Nèque enim aliud magis ido-neum esse poterat, quàm fides, ut humanæ men-ti limites ponerentur, & cogitatio alioquin labi-lis & inconstans re qualibet figeretur. Ne luda-mur vanis opinionum imaginibus, quæ nos ultra recti metas abducere possent. Beatus ille, qui in-ter decumanas mundani hujus maris procellas, quod semper erroribus, falsisque opinionibus agitur, consilium denique arripuit, ut ne immo-bilem divinæ revelationis anchoram dimitteret.



### CAPUT III.

*Illæ est optima Philosophia, quæ pluri-mum favet Religioni.*

**I**gitur Religio præcipuum est fundamentum, cui humana innoti debeat sapientia, sic ut omnes methodi quantumvis diversæ, quas antiqua & nova excogitavit Philosophia, omnia Physicæ sy-stema-

(a) Homil. 7. in c. 2. ad Rom. ibi: Habentem formam sci-entia & veritatis in lege.

nemata nuper inventa, omnia recentioris Ethicæ  
 axiomata probari queant, dum Religioni non ad-  
 versentur: quòd Evangelium sententiarum sit re-  
 gula, & quid quid ab eodem deflectit, ad errores  
 aviâque seducat. Doctrina sive Platonis sive Ari-  
 stotelis, sive Gassendi sive Cartesii eatenus solum  
 pretium meretur, quatenus favet Religioni, quæ  
 ante quamvis Philosophiam principem sibi locum  
 vindicat. Nuntium reliquis oportet remittere, &  
 omnis alia eruditio veriùs illusio diceretur, uti &  
 lumen quodcûque fulgor evanidus, qui ad pa-  
 scendam curiositatem magis faciat, quàm ad animum  
 imbuendum. Nihil ut veritatem fatear novimus,  
 nisi per somnium, quin potius cuncta ignoramus,  
 ut adco ignorantie nostræ miseratio nos tangeret,  
 nisi ambitio eandem ab oculis nostris removeret.  
 Quæstio vel maxime frivola totius antiquitatis  
 ingenia in sectas divisit, & post tria & ampliùs  
 annorum millia, quibus desuper litigatur, nihil  
 adhuc confectum est. Thales, ejusdemque ad Pla-  
 tonem usque discipuli, vacuum in natura dari pos-  
 se negârunt, teste Plutarcho: qui eosdem secuti  
 sunt, si à Democrito & Epicuro usque ad Recen-  
 tiores Atomistas computum ineas, id mordicùs de-  
 fenderunt: In hanc etiam diem ultrò, citròque al-  
 tercationes adornantur, quin inter Authores de  
 quoquam convenerit. Gradus ille certitudinis  
 alioquin ab Academicis tam studiosè, tot ratioci-  
 niis quæsitus, non nisi incertitudinem protulit.  
 Denique, scientia humana perpetuò vacillat; nec  
 veritas aliunde, quàm per Christum (a). Sola fi-  
 des docere potest sapientiam, quam nemo Princi-  
 pum hujus sæculi novit (b): mox ut oculos ad  
 lumen

(a) Veritas per Christum. Joan. c. 10. (b) Paul. 2. Cor. c. 6.

lumen adeò clarum recluseris, continuo universa pervidebis. Néque enim syllogismorum, & argumentorum vi cœlestis hæc sapientia mortalium animos occupavit, sed candida simplicitate, & illorum, qui eandem professi sunt, summâ cœterarum rerum ignoratione. Ut Evangelii tuba insonuit, Græci æquè ac Romani factum ingenisque ferociam posuere, & tanta vis erat illius ac potentia, ut primos illic discipulos in maximos sui cultores converteret. Ergo fides & intellectum hominibus indere, & scientiam docere debet; is autem, qui proprium sequi ductum insisterit, in præceptis procul dubio abibit.



## CAPUT IV.

*Intellectum fidei subjiciat, oportet, qui Christianum profiteri velit.*

**P**ostquam Religio falsas, quæ Paganorum Philosophia animos imbuerat, ideas fidelibus exemit, asvesfacere eosdem instituit, ne ulterius ratiocinando disquirerent, quæ Deus disceptanda non proposuisset; quod præstaret, nescire, ac tanquam arcana, captum humanum superantia, humili ruditate venerari, quæ summae majestati recondere visum fuisset: quàm ut hanc luminum abyssum temerariis conjecturis, & caligante intellectu nostri acie explorare contenderemus. Ad divinos Fidei radios edocti sumus impotenti tandem temperare curiositati, quæ rerum naturam expendendo, Dei opera audentiùs

scruta-

scrutabamur ; utque vota ambitiosæ cupiditatis denique reprimeremus, quæ nonnunquam nos adeo creaturis affixere, ut contra conditorem impiè assurgeremus. Ipsissima hæc collustratio cœlica Christianis persuasit, satius esse, intellectum submittere, quàm de religionis mysteriis multum litigare ; humilem animi credulitatem magis facere, ut fideles evadant, quàm ingenii vim multò perspicacissimam ; simplicitatem fidei scientiæ fulgoribus jure anteponi. Equidem Dei opera, quibus omnipotentiae suæ vestigia altius impressit, omnium minimè percipimus ; ut proinde rationi prorsus congruat, deposito fastu æternæ veritatis axiomatibus tanquam regulæ animos conformari ; cum absque hoc non sit scientia, quæ ad constabilienda principia ejuscemodi submissiorem non posceret. Anne consentaneum æquitati dixeris, in rebus alioquin indifferentibus, levissimæ momenti, uti sunt objecta artium, & scientiarum, injectis veluti vinculis intellectum subjugum mittere ; libertatem verò opinandi in argumentis fidei sibi arrogare ? Cartesius complura docet captu difficillima, quæ nullam conferunt utilitatem, & ob viri auctoritatem, acriter nihilominus propugnantur : DEUS mysteria summè credibilia revelavit, quorum fides gloriam partitura est æternam, & , ut eisdem assentiamur, adduci vix possumus.



## CAPUT V.


*Intellectui rationem secuto Philosophia, utpote ipsius regula, perutilis est, cumprimis] autem Aristotelica, ut opiniones haustas exponat.*

**P**ostquam intellectus rationi paret, Philosophia, quam regulæ instar habet, servire potest, ut sese declaret. Hic primus Philosophiæ est usus, siquidem Religioni ancilletur. Quippe, cum ista non nisi ex Conciliorum, Patrum, Doctorumque sensu sua depromere consuevit dogmata, Aristotelicæ, quam Concilia, Patres, atque Doctores familiarem sibi reddiderant, inhærere methodo consultum duxit. Anatolius Laodiceæ Episcopus, Divi Hieronymus, Augustinus, Theodoretus, Didymus Alexandrinus, & Damascenus primi fuere, qui Aristotelis Philosophiam apud Christianos promoverunt: idem factum à præcipuis Patribus, atque Doctoribus posterioris ævi, quos inter D. Thomas Aquinas multum eminuit. Sanctus enim hic Doctor, uti præ reliquis Scholasticis iudicio erat acri, & sano, tantum roboris, ac soliditatis in Aristotelis methodo invenit, ut sanctissima etiam Religionis mysteria accommodatiùs exponi non posse arbitraretur, quàm si notionibus, & principiis hujus Philosophi insisteremus. Nec tamen idcirco aut ipsi, aut Successoribus in mentem unquam venit, ut Religionem nostram Aristotelis doctrinâ firmarent; quemadmodum satis ridiculè Frater Pau



Paulus conqueritur in suâ Concilii Tridentini historia, cujus authoritatem ut infringeret, unâque Theologiam Scholasticam despicabilem faceret, stultè admodum garrit: *pauciores fore fidei Articulos, si Aristoteles minus scripsisset.* Etenim nec Doctoris Angelici, nec Scholasticorum consilium ullò tempore fuit, Religionem Christianam Philosophi principiis fulciendi: sed quoniam tot sæculorum decursu, tot exemplis, ac testimoniis probabantur, ex re cessurum crediderunt, si Philosophia ejusdem excoleretur, quò percipiendis fidei dogmatibus saltem indirectè serviret. Nam, licet Religio nostra humanis non innitatur rationationibus, verùm simplici credulitati, quam infirmus, & depravatus hominis animus fastidit; tamen, ut semel intellectum occupavit, consultum est, eandem omni argumentorum etiam naturalium robore constabilire. Similiter DEUS, qui *de tenebris vocat in admirabile lumen*, per hominum ora nobis loquitur, tanquam per organa tenuitati nostræ congruentissima, quin propterea de authoritate quidquam deperdat. Res utcumque prophanae totidem voces sunt, quibus Dei gloria, & conditoris sanctitas divulgatur; imò nihil adeo surdum est, & inanime, quin ad Dei cognitionem deserviat: & verba Aristotelis, rationes illius, & methodus usui esse non possint, cum de Religione differimus, quòd ab homine pagano profecta sint? Cur hæc rejiciamus, postquam D. Thomas, cui utique Concilia & Patres probè erant perspecti; qui cæteris acutiùs Religionis nostræ mysteria pervidit, non aliis verbis, aut methodo usus est? Insistamus vestigiis tanti Doctoris quem Theologi omnes imitandum susceperunt; & quid

quid opponant, ut Recentiorum placita, quibus auctoritas quæritur, tueamur, nunquam sustineamus, ut Religionis nostræ hostes istud habeant solatium, Ecclesiam Romanam à veteri instituto vel latum unguem deflexisse.



## CAPUT VI.

*Philosophia Religioni non voces tantum, quibus se explicet, sed etiam methodum rationandi sufficere potest; quem in finem maxime servit Aristotelica.*

**P**hilosophia non voces modò & verba Religioni suppeditat, quibus dogmata declarret, verum etiam methodum, qua ratiocinetur. Ut enim Christianus intellectum in fidei obsequium submittere debeat, rationes tamen docilitatis ejusmodi, & causas reddere valet, si ve postmodum adversarios, qui fidem impugnant, redarguat; si ve rudes, qui mysteria ignorant, erudiat. Quoniam verò Aristotelis methodus præ reliquis solida est, & erroris expers, uti in animadversionibus super Logicam dicere memini, idcirco D. Thomas hanc potissimum deligendam censuit, ut mendacium refelleret, veritatem autem corroboraret. Equidem tam prosperè, ac feliciter consilium vertit, quoties Ecclesiæ Romanæ dogmata explanari oportuit, ut Bucerus, & præcipuis Religionis nostræ hostibus unus, dicere sit solitus: *tolle Thomam, & dissipabo Ecclesiam Romanam.* Porro prædictam methodum ab Aristotele

stotele didicit, eaque Religionis nostræ doctrinam postremæ ætatis Novatoribus adeo formidabilem præstitit, ut, cum argumentis resistere non valerent, ad convitia, & criminationes confugerint; scholasticos, imprimis autem Aristotelem, à quo methodum post D. Thomam in Academias iavetam combiberant; laceffendo. Anabaptistæ primum suis per septentrionem dispersis, apud quos auctoritate pollebant, Philosophiæ usum universim suspectum reddere satagebant; verbæ D. Pauli, quibus Colossenses commonet, identidem inculcantes. Lutherus tanto ardore contra Aristotelis Philosophiam debacchatus est, ut thesibus Heidelbergæ anno 1518. publicæ disputationi propositis inseruerit: *qui in Aristotele vult Philosophari, prius oportet in Christo stultificari*. Præterea nullam suis in lucubrationibus occasionem neglexit, Aristotelem criminandi. Hoc in studio sequaces subinde habuit Zwinglium, Petrum Martyrem, Zanchium, Melancthonem, & reliquos, quotquot Romanæ sedis bellum indixere, ut adeo Melchior Canus Canariarum Episcopus, & scholasticorum facile disertissimus dicat: *nullo apud Lutheranos Philosophiam esse in pretio* (a). Calvinus de Aristotele nunquam scribit, nisi amarulento, plenoque fellis stylo, qui maledico, acerboque illius genio proprius erat. Denique nec aliter comparatos reperies, quocunque ultimis temporibus contra Romanam fidem calamos strinxere; quod nimirum detegendis ipsorum sophismatis, quibus errores convestiebant, nihil opportunius, nihil confirmandæ vicissim veritati aptius promi potuisset, atque Aristotelis Methodus.

D 3

duc.

(a) L. 9. Locor. Theol. c. 3.

— dus. Hinc Parisiensis Academia, quæ nullo non tempore zelum Religionis præsetulit, anno 1611. decretum innovavit, quo Professoribus præcipitur, ut majore studio in Aristotelis Philosophiam incumbant, modumque indagent, eandem utiliter prælegendi. An aliquid dici poterat, quod ad Aristotelis gloriam magis conferret, quem absque hoc posterioris ævi Patres, & Doctores, qui lucubrationes ipsius diligentius pervolverunt, perpetuò commendant, & impensius quidem, quàm sive hæretici, sive alii Religionis osiores unquam fuerint averfati ?

— — — — —

## CAPUT VII.

*In quo bonus Philosophiæ usus Religioni deserviat ?*

**P**Ræter voces, notiones, & ratiocinandi methodum, quæ Philosophia, tanquam organum oris, ac mentis, Religioni ministrat, argumenta insuper instruere docet, quibus se orthodoxi non modò tueantur, verum etiam iniquos debellent aggressores. Philosophia grandem hunc universi librum, doctis perinde, atque indoctis proficuum, prima explicuit; quævis illius pagina conditarum rerum pulchritudine, ac dotibus ob oculos positis, magnitudinem, & potentiam exhibet conditoris. Philosophia hominem erudit, qui animum ex tam admirabilium operum cognitione ad notitiam summi opificis eveheret, atque ex effectibus, quos stupet attonitus, virtutum primæ causæ conjiceret, Philosophia vocem cæli &

— — — — —

syderum declaravit, ut Dei magnificentiam æstimaremus, cujus attestante prophetâ (a) gloriam enarrant. Philosophia per mirandam dierum, & noctium vicissitudinem, per æquabilem, ac constantem temporum seriem; per elementorum, & partium universi ordinem, compagem, & harmoniam, veluti per tubam-quandam vocalem—magni architecti Divinitatem vulgavit, dum prima structuræ tam perfectæ rudimenta subaspectum constituit. Philosophia denique Pythagoram, Hippocratem, Socratem, Platonem, & Aristotelem, quæis propter ingenij perspicaciam, & judicii maturitatem ab omni retro antiquitate peculiaris debetur prærogativa, Dei unitatem edocuit, ut mox atque simplici, sincerôque obtutu grande mundi spectaculum respexerunt, victas ultrô manus animosque præberent. Ast quæ magnis hisce viris tanti momenti veritatem innotescere fecit, apud complures pusillos vix aliud valet, quam ut factum ipsorum retundat. *Evanuerunt enim in cognitionibus suis; & obscuratum est cor inspiens eorum* (b), dum cultum, & honorem soli conditori debitum ex pravo Philosophiæ suæ, rationisque usu ad res conditas transtulerunt. Naturam scrutati sunt, quin authorem naturæ inquirerent (c) uti Epicurus, qui non aliâ de causa Physicam excoluit, quàm ut aculeos, quos animis Religio subinde infigit, revelleret (d). Longè alius Platoni finis erat: ideo duntaxat in Physicam incubuit, ut ex mundi existentia Deum esse evinceret, non se-

D 4. cus

(a) Cœli enarrant gloriam Dei. *Ps. 18.* (b) *Paulus Rom. c. 1.* (c) Appetitor artis, desertor artificis complectitur speciem, cujus non miratur authorem. *Euseb. Epist. ad Val.*

(d) - - - Magnis doceo de rebus, & artibus Religionum animum nodis exolvere pergo. *Lucret. lib. 4.*

cus, ac ex artefacto artificem solemus arguere. Quin Aristoteles omnia ferè argumenta, cunctasque ratiocinationes, quas libro de motu congeffit, eò tandem perduxit, ut primum motorem demonstraret: quæ quidem demonstratio una ex evidentissimis, quas tota Aristotelis *Physica* complecteretur, visa est Avicennæ. Adeo veritati consentit, ex intellectûs infirmitate tantummodò nasci, si quis laboret, ut mysteria à Religione proposita censeat credibilia. Cui enim sapum est iudicium, facile adducitur, ut in ijs intellectum subijciat, quibus omnis debetur subiectio.



## CAPUT VIII.

### *De ulteriori Philosophiæ usu.*

**E**N præcipuum Philosophiæ in Religionis commodum impensæ usum! Potest præterea robur impertiri argumentis, quibus dogmata protegit; potest imposturas detegere, quas fraus, & error multiplici sub larvâ molitur; potest immodicam sapientium hujus sæculi licentiam coercere, qui curiosè nimis res quasvis, esto captum superantes, rimantur; potest intellectum assuefacere, ut mysterijs quantumvis incredilibus assensum præbeat, dum isthæc sibi à Deo proponi persuaserit; dum admirandos Evangelicæ virtutis effectus recogitarit: qui videlicet exiguus piscatorum numerus simplicitate suâ cunctos Græciæ, Latique sapientes devicerit; quâ ratione per humilem patientiam orbem universum in potestatem rede-

redegerit? Hinc Origines, qui teste Eusebio (a) obstrictum se existimavit, ut rationem redderet, cur in gentiliſum Philoſophiam, quæ Chriſtianum deceat, tantopere incubuiſſet? ipſiſſimâ uſus eſt Philoſophia, quin regulas fidelibus præſcripſit, eadem ſalubriter utendi (b). Oſtendit enim non alia de cauſa Philoſophiæ adjiaciendum eſſe animum à Chriſtianis, quàm ut in fide ſeſe corroborarent; ut invicti adverſariis evadant: Philoſophiam eatenus ſolùm optabilem fieri, quatenus vices gerit inſtrumentum, quod religioni ancilletur. Id ipſum ulterius declarat (c) obſervatione ſapientiſſimâ, quam antea jam fecerat Clemenſ Alexandrinus; nimirum, quòd ſtudiij hujusmodi normam Deus ipſe dediſſe videatur, dum Iſraëliſ populo author fuit, ut opes Ægyptiorum, & theſauros ad ſacrarum rerum, quas Religio ſpectat, ornatum impenderet. Sanè Origenes Orthodoxis Philoſophis nihil adeo inculcat, quàm ut lectioni ſacrarum paginarum ſe dedant; ut magnâ mentis attentione easdem pervolvant, ne indigni habeantur, qui veritates cœlicas hauriant, quas divinus ille liber complectitur; quin potiùs ſimplici corde, animoque ſubmiſſo ſacra meditentur myſteria; ut miſſis alterationibus, quas Scholaſticos inter pulveres fervere contingit, majeſtatem loquentis ſummo venerarentur cultu, & tamenſi incomprehenſibilia revelare videatur, fidem nihilominus cœcam eidem haberent. Itaque ſapiens hic Doctör profanis ſcientijs & Philoſophiâ ideo duntaxat eſt uſus, ut ad JEſum Chriſtum diſcipulos adduceret, atque ad ſidem animos compararet, prout D. Hieronymus teſtatum reliquit (d) D 5 GA-

(a) *Euseb. L. 6. c. 19. pag. 220. 221. biſſ.* (b) *Orig. Philocal. 13.* (c) *Idem ibidem.* (d) *Hier. Catal. ſcript. Eccl.*

## CAPUT IX.

*Philosophia firmandæ tantum Religioni deserviat, oportet.*

**V**Oces methodus, argumenta, quæ Philosophia Religioni suppeditat, nequaquam sufficerent, nisi speciem quòque discerniculi adderet, atque intellectum hominis, lumine à rebus sensibilibus hausto, tanquam primo operationum animæ adminiculo, fidei radijs præpararet. Contingit enim frequenter, ut malè cauti fallamur; quæ juxta Divum Augustinum (a) *miseria certè est hominis, si non est malitia sapientis*. Quoniam verò Philosophus ejusmodi erroribus sæpè magis obnoxius est, quàm rudis & litterarum experts, jure idem sanctissimus præsul concludit, *nullam homini causam esse Philosophandi, nisi ut beatus sit* (c). Hinc Divus Thomas librum de Religione contra gentes sciscitando orditur: *quod sit officium sapientis?* & reponit: *querere & demonstrare veritatem, qua prima est veritas* (c); quod ipsum testimonio Aristotelis comprobatur (d). Hinc primorum fidelium, qui philosophiæ operam dederunt, princeps studium fuit, ut non modò ad vestigandam Religionis veritatem Philosophiâ uterentur; sed eandem quòque rudes docerent, & adversus impugnantes firmarent. Hinc Divus Justinus, ejusdemque discipulus Tatianus, Athenagoras, & Cle-

(a) Lib. 19. de civit. DEI. c. 1. (b) Ibidem. Nulla causa philosophandi, nisi finis boni. Idem ibidem. (c) Lib. 1. c. 1. cont. gent. (d) Prima Philosophia est scientia ejus veritatis, quæ est origo omnis veritatis. Idem ibidem ex Arist. Metaph. c. 2.



Clemens Alexandrinus, qui de nostris in Philosophia præcipui sunt habiti, ad fidei præsidium, re-  
 jectis paganorum calumnijs, falsisque ideis, quas  
 populis livor impresserat, exemptis, scientiam illam  
 converterunt. Similiter Tertullianus in doctissima  
 sua apologia Zelum Religionis luculentè spirat :  
 quippe præteritis alijs omnibus motivis, quæ cau-  
 sa adeò justa, quam defendendam susceperat, largè  
 sufficebat, vitam Christianorum præprimis ex-  
 tulit ; vitam nimirum tam castam, tam sanctam,  
 tam sensus exuperantem ; integerrimam fidem,  
 commodorum neglectum, sincerissimam charitatem,  
 quæ omnium actionum anima esset, atque fide-  
 les, ut pro persecutoribus etiam DEUM deprecarentur,  
 vehementer incenderet. Denique innocentiam  
 vitæ, veluti vivam sanctimoniam ab Evangelio,  
 quod annuntiabant, adumbratæ imaginem ju-  
 giter opposuit, ut impostorum & maledicorum  
 ora obturaret. Origenes aliâ contra Celsum usus  
 est methodo : ex Christi divinitate Christianæ legis  
 veritatem evincit, dum neque Christo, neque Moyse  
 quidquam opponi posse demonstrat. Sanè Christus  
 consummatio legis esse non poterat, nisi legis-  
 latoris auctoritatem succollâisset. Prophetæ pari-  
 ter ac lex ipsa fabulæ duntaxat forent & mendacia,  
 nisi Christus veritas fuisset. Aliter rursus S. Hip-  
 polytus ratiocinatur : non intelligitis, inquit ad in-  
 credulos, unde & quomodo formati sitis, & æter-  
 nam Verbi generationem captu assequi contenditis ?  
 Neutiquam curiosa rerum inquisitio, sed animi  
 submissio fideles parit : illi tantummodò fidei pa-  
 tescent lumina, qui novit intellectum obcæcare ;  
 utque obscura sit, coli tamen vel ab ijs meretur,  
 qui non capiunt, quod credunt. Inter reliqua

Minutij Felicis argumenta illud videtur fortissimum: incredulus, cum animo fluctuet, deque Religionis veritate perpetuo ambigat, viatoris sequatur exemplum. Hic in bivio positus, quin non it, quâ procedendum, subsistit; nec temerè semitam deligit, quòd ambas non possit ingredi; utra verò ad optatum terminum ducat, adhuc ignoret. Haud ita liberoris vitæ homines, qui cum alio non nitantur, pravitate suæ fundamento, quàm quòd de Religionis certitudine non constet, errores nihilominus amplectuntur; nec in negotio omnium maximo id possunt decernere, quod alioquin levissimè in rebus nullius momenti consueverunt, nempe in dubio neutram ad partem deflectere, cum prudentia suadeat, tutò procedere. Sanctus Cyprianus, Arnobius & Lactantius ejusdem discipulus, Eusebius Cæsariensis, Cyrillus Alexandrinus ex idolorum vanitate & Paganismi mendacijs Religionis nostræ veritatem demonstrarunt. Lucubratio Theodoret de providentia, Libri de civitate DEI à Divo Augustino conscripti solidam & doctam fidei Christianæ apologiam continent; nec eruditione duntaxat exquisitâ, sed facundiâ quoque præcellunt. Denique omnes ferè Patres scientia sua & Philosophia usi sunt, ut quisque pro genio Religionem constabiliret, quam & vi summâ atque ferociâ terreni principes, & pagani Philosophi toto ingenij conatu, & hæretici maledicentiâ evertore sunt aggressi.

## CAPUT X.

*Quid Apologistæ nostri primis & ultimis  
sæculis scripserint in Religionis defensionem?*

**U**Ti verò primi Christi fideles defendendæ contra hostes suos Religioni admodum erant intenti, & maiorem gerebant sollicitudinem, ut innocenti sanctæque vita ad martyrium indies subeundum animos compararent, quàm ut mysteria fidei nostræ sub velo sacrarum paginarum recondita, æmulis detegerent: potior illorum pars, qui sub Ecclesiæ initia apologias scripsere, officio se satisfacturos rebantur, dum vel calumnias à malevolis confictas amolirentur, vel ostenderent fidem mysteriis temerè non haberi, quin, ne res sacras profanare viderentur, si cuncta infidelibus declarassent, docere abstinuerunt, in quo Religionis cardo densque verteretur. Oportebat nempe tunc temporis homines idololatricis superstitionibus passim imbutos, veræ Religionis dogmata celare, utpote quibus percipiendis idonei non erant. Postquam verò posterioribus sæculis mortalium oculi lucem Evangelicæ veritatis mitius tulerunt, tandem congruentius visum est Apologistis augustissimorum etiam mysteriorum sanctitatem in vulgus spargere, nec eorundem fulgorem ambiguis ultrò vocibus obtenebrare. Divus Thomas primus Religionem nostram funditus declarandam suscepit in opere contra gentes inscripto.

Primis

Primis tribus libris demonstrat, à Religione Christiana, nihil tradi, quod lumini nobis ingenito adversaretur. Quarto docet, quòd licet humanum transcendat intellectum, nihil à recta ratione alienum proponat: nec abnui potest, quin opus istud sit veluti fons inexhaustus, ex quo perfecta Religionis nostræ notitia combibi queat. Remondus Sebondinus Hispaniensis Theologus idem argumentum pertractavit, ideâ, uti videtur, ex Divi Thomæ monumentis desumptâ. Sed, quoniam sublimiora etiam fidei mysteria humanis firmare nititur rationibus, Religionem potius humanam & naturalem, quàm divinam efficit. Hieronymus Savanarola in Triumpho crucis collegit, quidquid Patres hoc super argumento nervosius scripsere, quibus ratiocinationem à se conceptam subjungit in hunc sensum: si Religio nostra abluat à vero, Christianus maximum sit monstrum oportet, quippe sanus simul & insanus: sanus quidem ob mores, insanus autem propter fidem & credulitatem. Si intellectum spectes, errore ducitur; rectè sapienterque agit; si voluntatem examines. Quod in animo reprehendas non occurrit; intellectum error obsidet, & verò talis, cui probitas & innocentia ducatum præstet, denique veritatis & mendacij, sanctitatis & vitij mirabile quoddam complexum est. Addit præterea, Christum, nî DEUS sit, sanctissimum pariter & scelestissimum, quem unquam sol aspexerit, comprobari: scelerum enim omnium gravissimum est, divinos, quibus indignissimus sis, honores aucupari. Fierinè queat, ut summa virtus tam enormi copuletur iniquitate? ut homo longè superbissimus se iusfra omnes abjiciat, clientibus verbò & exemplò ideam, quam cogitari pos-

possit, nobilitatis suæ humillimam imprimat? ut doctrinam sanctitatis adeò absolutæ, qualis in Evangelio adumbratur, impostor tradiderit? ut Ethica tam sublimis extrema nitatur malitia? Ludovicus Vives in libro De fidei veritate brevi sed bona methodo complexus est, quæ Patres de Religione universim elucubrârunt. Unum ex robustioribus ejusdem argumentis, jam olim à Divo Augustino libro 28. de civitate DEI. Capite 18. commemoratum, petitur ex Prophetia Oseæ de miseranda Judæorum sorte (a) cui eventus responderit. Pertractat id fuisse librò tertiò, quanquam non omni prorsus vigore. Néque enim mens sana aliò magis convincitur, atque Prophetiâ, quæ ante mille ac amplius annos facta, post sedecim sæcula nihilominus ad apicem ubivis verificetur. Marsilius Ficinus cum de Religione disserit, Christi Domini divinitatem partim ex Prophetis veteris testamenti, partim ex prodigijs novi, partim ex veritate doctrinæ, quam rudes, nullis affectibus obnoxij, qui neminem deceperint, à nemine vicissim decepti fuerint, citra lucri, censûsque spem tradiderunt, eruere contendit. Methodus Cuius admodum ordinata est: sacris paginis, Patribus, Theologis, & graviorum virorum suffragijs ceu basi incumbit. Prætereo commentarios Cardinalium Hosij & Bellarmini, Stapletoni, Medinæ, Sanderi, Suarezij, Lessij, Gurdonij & complurium qui Polemicam sunt professi, atque ex inconcussa Ecclesiæ Romanæ firmitate Religionis veritatem probare studuerunt. Quippè, cum super DEI verbo con-

stru.

(a) Dies multos sedebunt filij Israël, sine Rege, & sine principe, & sine sacrificio, & sine altari, & sine Ephod, &c. Oseæ. c. 3.

structa fuisset, tot inter Regnorum, imperiorum-  
que vicissitudines invicta perstitit; quin ab ipsis im-  
pugnationibus robur accepit, ut tametsi patientia  
duntaxat & submissione tanquam clypeo se tueretur,  
nihilominus potentes terræ denique debellâ-  
rit. Hactenus dicta sufficere possunt, ut Christianus  
Philosophus nôrë, quî tantorum exemplo virorum,  
quos non nisi ad firmandam Religionem Philoso-  
phiâ usos intelligit, eandem impendat. Etenim si  
cuncta dispiciantur, nihil præterea solidum ac stabile  
in hac vita occurrit. Fluxa & caduca sunt omnia,  
ut adeò *sapientis sit veritatem de primo principio  
meditari* (b); æternitatem præ oculis perpetuò ha-  
bere; honestè rectèque agere, itaque bo-  
num tandem Philosophum  
profiteri.

(a) D. Thomas I. I. contra gent. c. I.



D. T. O. M. A.

*Sub Reverendissimo, & Amplissimo*

DOMINO, DOMINO

**JOSEPHO, HENRICO,**

**JACOBO BREITENBÜCHER.**

**AA. LL. Phil. & SS. Theol. Doctore,**

**S. C. R. C. Majestatis Consiliario, Decano,**

**Kirenbergensi, Cathedralis Ecclesiæ Viennensis Præ-**

**posito, Cellissimi, & Reverendissimi S. R. I. Principis,**

**& Episcopi Viennensis in Spiritualibus Vicario**

**Generali, & Officiali; nec non Celeberrimæ,**

**& Antiquissimæ Universitatis ibidem**

**CANCELLARIO,**

*Per Admodum Reverendum Patrem*

**JOSEPHUM GÖGGER,**

**è Societate JESU,**

**AA. LL. Philosophiæ, & SS. Theologiæ**

**Doctorem, ejusdémque in Moralibus Professore**

**Ordinarium, Inclytæ Facultatis Philosophicæ De-**

**canum spectabilem, ac designatum**

**PRO-CANCELLARIUM.**

**Quadraginta septem, Reverendissimi, Il-**

**lustrissimi, adm. Reverendi, Perillustres, Reverendi,**

**Prænobiles, Nobiles, Eximii, & tam eruditione, quàm**

**virtute conspicui Domini, AA. LL. & Philosophiæ**

**Baccalaurei formati,**

**In Templo S. Stephani sub Pulsu Campanæ majoris,**

**Anno M. D. CC. XVIII. Mense Julio, die Horæ**

**octavâ ante-meridianâ Licentia donati sunt.**

**Deinde verò**

**R. P. MICHAELEM BONBARDI,**


**è Societate JESU, AA. LL. & Phil. Doctorem, ejus-**

**démq; Prof. emeritum; nec non p. t.**

**SENIOREM, & CONSISTORIALEM.**

**In Aula Academica Cæsarei Soc. JESU Collegii Supremæ Magiste-**

**rii, & Doctoratûs Philosophici Laureâ condecorati sunt.**



# NOMINA PROMOTORUM.

**I**llustrissimus D. Franciscus Adamus S.R.I. Comes à Goder, S. C. M. Eleonoræ Imperat. Viduæ Ephebus.

Illustrissimus D. Ferdinandus Guilielmus Clement S. R. I. Comes de Kornfeil, S. C. M. Amaliæ Imperatricis Viduæ Ephebus.

1. Illustriss. D. Franc. Raymundus March. & S.R.I. Co. de Montecuccoli, Aust. Vien. *Defendit univ.*

Reverendiss. & Illustriss. D. Comes Nicolaus Josephus Csáky de Kereftszegh, perpetuus terræ Scepusiensis, Abbas B. M. V. de Scepusio, ex Coll. Pazman. *Defendit univ.*

2. D. Joannes Josephus Lesere, Nob. Austriac. Vienn. è Cæs. Conv. Coll. Alumn. Gobbarianus. *Defendit universam.*

R. D. Emericus Vitniezky, Nob. Ung. Zolnensis, ex Comit. Trenchinienfi, Coll. Pazman. Alumnus.

D. Jacobus Antonius Pöck, Austriac. Pollstorfsensis, ex Semin. SS. Ignatii & Pancratii, Alumnus Lamormainius. *Defendit universam.*

A. R. ac Perillust. D. Antonius Josephus de Hack, Ung. Eques ac Provinc. nec non exemptæ, ac Lib. Albæ-Regalensis Præposituræ Canonicus, Austriac. Vienn.

4. D. Joannes Petrus Probst, Confluentinus Trevirensis. *Defendit universam.*

5. R. D. Petrus Pohmajevich, Nob. Segniensis, Coll. Croat. Al. *Defendit universam.*

6. D. Franciscus Lemmel, Austriacus Viennensis.





7. R. D. Andreas Buday, Nob. Ung. Nagy-Lapassien-  
sis, ex Comitatu Nitriensi, Coll. Pazman. Alumn.
8. D. Josephus Selcke, Præn. Austr. Vienn. Fundat.  
Windhaag. Alum.
9. D. Joannes Bapt. Graff, Civ. Austr. Hornanus,  
è Cæs. Conv. Coll. *Defendit universam.*
10. R. D. Bartholomæus Trillsamb, Nob. Bohemus  
Teuto-Reichenav. è Cæs. Con. Coll. Alu. Kleffelian.
11. D. Antonius Pögl, Prænob. Austriac. Neostad.  
*Defendit universam.*
12. D. Augustinus Lucam, Civis Austriac. Viennens-  
is. *Defendit universam.*
13. R. D. Ferdinandus Pachmann, Austriacus Vien-  
nen. è Cæs. Conv. Coll. S. D. N. Alumn.
14. D. Joannes Georgius Klem, Austriac. Maurba-  
centis Offic. *Defendit universam.* (dorffensis.)
15. D. Joannes Guettenberger, Civ. Austr. Mingen-
16. D. Balthasar Gastager, Nob. Austr. ex S. Hyppol.
17. D. Franciscus Leopoldus Sartory, Civ. Austr. Si-  
zendorffensis, è Cæs. Convict. Coll.
18. D. Josephus Antonius Mair, Præn. Austr. Vienn.  
è Cæs. Conv. Coll.
19. D. Georgius Dominicus Hechinger, Austriac.  
Poystorffensis, Foundationis Windhaagianæ Alum.
20. D. Franciscus Kirchschlager, Austriac. Viennen.
21. D. Franciscus Seybezberger, Austriacus Vienn.
22. \* D. Joannes Eustachius Seybolt, Suev. Garmund,
23. D. Josephus Franciscus Leichamschneider, Au-  
striac. Viennensis.
24. \* D. Kilianus Zacher, Bohemus Gralichiensis.
25. D. Paulus Michaël Zwenhoff, Austriac. Vienn.
26. \* D. Martinus Köberl, Waldkirch. ex Distri. Pas-  
sav. è Cæs. Conv. Coll.
27. D. Philippus Strobl, Civis Austr. Asperstorffens.
28. D. Franciscus Forster, Civis Austriac. Styrensis.
29. D. Wolfgangus Theophilus Celzer, Boh. Grün.
30. D. Joannes Georgius Diener, Palat. Ambergens.
31. D. Stephanus Cucavaz, Venetus Fero-Julienfis  
ex S. Petro.


## EXTRA ORDINEM.

- R.** D. Andreas Korompay, Nob. Ung. S. Georgienfis, ex Comit. Pofon. SS. Theol. in 3 tium An. Audit. Coll. Pazman. Alumn.
- R.** ac Relig. D. Christophorus Fuchs, Austriac. Ducumburg. Antiquiffi. ac Celeb. Canonix Canonie, Regul. S. Aug ad D. Georg. Ducumb. Prof. SS. Theol. in 3. tium An. Audit. è Cæf. Conv. Coll.
- D.** Franciscus Xaverius Heindl, Austr. Vienn. ex Sem. in. SS. Ig. & Panc. SS. Theol. in 3. An. Auditor.
- R.** ac Relig. D. Jacobus Lembler, Canon. Reg. S. Aug. Congreg. Lateran. in Celeb. & Antiqu. Canonica ad B. Virg. Tyrnftainii Profef. SS. Theol. in 3. An. Aud.
- R.** D. Joannes Pichnyai, Nob. Ung. Uifalvenfis, ex Gom. Barfiensf, SS. Theol. in 3. An. Aud Coll. Pazm. Al.
- A.** R. ac Perilluftris D. Petrus Antonius Morelli de Schönfeld, Ital. Gorit. Cathedr. Ecclef. Segnienfis Canon. è Cæf. Conv. Coll. Celfiffi. ac Rev. S. R. I. Princ. & Epifc. Paffav. Al. SS. Theol. in 3. an. Aud.
- R.** Relig. ac Nobil. D. Richardus Prukmayr, Austr. Vienn. S. & Exempti Ord. Cift Celeberr. Claræ-Vallenfis Monast. Zwethalenfis Profef. SS. Theol. in 3. tium An. Auditor.
- R.** Relig. ac Prænob. D. Franciscus Adamus Rausch, Austr. Vienn. Cel. & Antiqu. Canonix ad S. Hypp. Profef. SS. Theol. in 2. dum An. Auditor.
- R.** D. Joannes Stehenics, Nob. Ung. Jaurinenfis, SS. Theol. in 2. dum An. Aud. Coll. Pazman. Alumn.
- R.** ac Præp. D. Josephus Sigism. Prunner à Sohnenfeld, Carinthus Clagenfurtenfis, è Cæf. Conv. Coll. Celfiffi. & Rev. S. R. I. Princ. & Epifc. Vienn. Alumn. SS. Theol. in 2. an. Auditor.
- D.** Josephus Joannes Knitlmayr, Austriac. Viennenf. J. U. in 1. mum An. Auditor.

---

### PROBLEMATATA IN ACTU DECIDENDA.

- I. *An ars bellica ortum duxerit ex Philosophia ?*
- II. *An regnum præstet, quod imperiis, an quod aurifodinis valet ?*







PAN

21 DIC. 1970

LEGATORIA - ROMA

